



იმისთანა წმინდა საცემში, ბოგბოღი ბუქე-
უბი სიფყავა, ცუდიუბით და ჭებობით ბუბ-
თის გაფანა ყულა უჯადისებაჲ უსამაგლესია.



გამოდის 1918 წლის
25 ივლისიდან

რესპუბლიკა

ხუთშაბათი, 13 დეკემბერი. 2018 წ. №252 (8653)

ელ.ფოსტა: sakresp@mail.ru და sakresp@top.ge

ფასი 60 თეთრი

აღა მარხანია:
მოდით,
საახალწლო
სიურპრიზი
გავეუკეთოთ
„ნაციონალურ
მოქრაობას“



2
3
4

ზაზა პაპუაშვილი:
რა ბინდათ,
გამოვიყვანოთ,
გაბანებრიოთ
და მოგვლათ?

პოლიტიკური პედი

ნაცუბისგან უნდა გაინფინდოს!

სალომე ზურაბიშვილი პრეზიდენტის რანგში პირველი ვიზიტით ბრიუსელში გაემგზავრება

საქართველოს არჩეული
პრეზიდენტი სალომე ზურა-
ბიშვილი პრეზიდენტის რანგ-
ში პირველი ვიზიტით ბრიუ-
სელში გაემგზავრება.

აღნიშნული ვიზიტი სა-
ლომე ზურაბიშვილმა კავ-
კასიასა და ცენტრალურ
აზიაში ნატოს გენერალური
მდივნის სპეციალურ წარ-
მომადგენელთან ჯეიმს აპა-
ტურაიასთან შეხვედრაზე
განხილდა.

შეხვედრის შემდეგ ინ-
ფორმაცია სალომე ზურა-
ბიშვილმა ჟურნალისტებს
დაუდასტურა. როგორც
ზურაბიშვილმა ჟურნალის-
ტებს განუცხადა, შეხვედ-
რებს ნატოსა და ევროკავშირში გამართავს.



გარდაიცვალა ისა, როგორც იცხროვრა



ირაკლი
სოსიშვილი
100 წლისა

7

მონობა თუ სამსახური?



5

დაბრუნებით პენსია - უპირატესობა და უიფედობა...

ტრაგედია სტრასბურგში

საქართველოს პრემიერ-მინისტრი მამუკა ბახტაძე
სტრასბურგის საშობაო ბაზრობაზე დატრიალებული
ტრაგედიის გამო მწუხარებას გამოთქვამს და ფრანგ
ხალხს უსამძიმრებს.

„ღრმად დამწუხრებული ვარ სტრასბურგის საშობაო
ბაზრობაზე საშინელი თავდასხმის გამო. ჩვენი ფიქრები მი-
მართულია ყველა იმ ადამიანისკენ, ვისზეც ეს არაადამი-
ანური ქმედება და შეტევა განხორციელდა. ქართველი ხალხი
ამ მძიმე მომენტში ფრანგი ხალხის გვერდით დგას“, - წერს
საქართველოს პრემიერ-მინისტრი სოციალურ ქსელ „ტვი-
ტერში“ საკუთარ გვერდზე.



„პოლოდომორი“ გენოციდად აღიარეს

აშშ-ის კონგრესის წარმომადგენელთა პალატამ
მიიღო რეზოლუცია, რომლის მიხედვითაც 1932-1933
წლებში მიმდინარე შიმშილობას, ე.წ. „პოლოდო-
მორს“, უკრაინელი ხალხის გენოციდად აღიარებს.

ინფორმაცია აშშ-ში უკრა-
ინის საელჩომ გაავრცელა.
რეზოლუციის ტექს-
ტის მიხედვით, საბჭოთა
კავშირის ლიდერი იოსებ
სტალინი და კომუნისტურ
პარტიის ხელმძღვანე-
ლობა დადანაშაულებუ-
ლია უკრაინელი ხალხის
წინააღმდეგ გენოციდის
ორგანიზებაში.



უკრაინის პრეზიდენ-
ტი პეტრო პოროშენკო
მიკრობლოგ „ტვიტერის“
მეშვეობით გამოხმაურა
აღნიშნულ რეზოლუციას და მას „ისტორიული
გადაწყვეტილება“ უწოდა.
ალსანიშნავია, რომ აშშ-ის სენატმა მსგავსი
შინაარსის რეზოლუცია ჯერ კიდევ მიმდინარე
წლის ოქტომბერში მიიღო.

ცნობილია, რომ რუსეთის ხელისუფლე-
ბა გმობს „პოლოდომორის“ გენოციდად გა-
იგივებას.

პოლოდომორი - მასობრივი შიმშილობა,
რომელმაც 1933 წლის
პირველ ნახევარში
უკრაინის მნიშვნე-
ლოვანი ტერიტორია
მოიცვა და დაახლო-
ებით 2,2 მილიონი
ადამიანი შეინირა
(ზოგიერთი მონაცე-
მებით 10 მილიონამ-
დე). შიმშილობა გა-
მონვეული იყო საბ-
ჭოთა პოლიტიკით,
რომელმაც კერძო მე-
ურნეები იძულებით
გაანვერია კოლექ-

ტიურ მეურნეობებში. არსებობს დასაბუთებული
ვარაუდი, რომ პოლოდომორი ხელოვნურად იყო
გამონვეული უკრაინული ნაციონალიზმის ჩასახ-
შობად და ამგვარად იურიდიული თვალსაზრი-
სით გენოციდად შეიძლება ჩაითვალოს.

100 წლის გაზეთი თქვენს დახმარებას ელის!

დამოკრპატიულ საქართველოსთან ერთად დაბადებულ,
დღეს 100 წლის გაზეთ „საქართველოს რესპუბლიკას“
ქალაქისა და ბეჭდვის ფასების ზრდის გამო ფინანსურად
უკიდურესად გაუჭირდა. სწორედ ამიტომ ითხოვს გაზეთი მა-
მულიშვილთა უანგარო მხარში დგომას, ხელის გამართვას.

განათავსეთ რეკლამა ყველაზე საჭირო და სანდო გაზეთში
და ამით ხელი შეუწყვეთ 100 წლის ყოველდღიური გამოცე-
მის აღორძინებას.

ჩვენი ანგარიშია: №GE19TB7601536020100009. (შპს
„ახალი საუკუნე“).

ჯეიმს აპატურაი: საპრეზიდენტო არჩევნები იყო ღია და სამართლიანი



საპრეზიდენტო არჩევნების საბოლოო შეფასება იყო პოზიტიური, – ამის შესახებ სამხრეთ კავკასია-სა და ცენტრალურ აზიაში ნატოს გენერალური მდივნის სპეციალურმა წარმომადგენელმა ჯეიმს აპატურაიმ 2018 წლის საპრეზიდენტო არჩევნებთან დაკავშირებით განაცხადა. მისი თქმით, არჩევნები როგორც ნატოს, აგრეთვე სხვა საერთაშორისო ორგანიზაციების მიერ, ეუთო-ს ჩათვლით, შეფასდა როგორც ღია და სამართლიანი.

„თუმცა არსებობდა გარკვეული კრიტიკა, მაღალი პოლიტიკური რიტორიკის მიმართ და ჩვენ ეს დავინახეთ. არსებობდა მშვიდი პოლიტიკური გარემოს შექმნის მოთხოვნა და ვიმედოვნებთ, მომავალ არჩევნებზე ეს მოხდება, თუმცა საბოლოო შეფასება იყო პოზიტიური“, – განაცხადა ჯეიმს აპატურაიმ.

ჩვენ გვინდა მეტი ნატო საქართველოში და მეტი საქართველო ნატოში!

მთავრობასთან და მომავალ ლიდერთან უნდა განვიხილოთ 2019 წლის გეგმები, ჩვენ გვინდა მეტი ნატო საქართველოში და აგრეთვე მეტი საქართველო ნატოში.

„პირველი – დიდი ხანია, არ ვყოფილვარ და ჩემთვის

ძალიან სასიამოვნოა საქართველოში სტუმრობა. თუმცა არსებობს სამუშაო მიზეზებიც, რომლებიც უმთავრესია. დიდი მოლოდინით ველოდები მომავალ პრეზიდენტთან, პრემიერ-მინისტრთან, საგარეო და თავდაცვის მინისტრებთან შეხვედრას, აგრეთვე გვგეგმავთ ოპოზიციასთან და არასამთავრობო ორგანიზაციებთან შეხვედრას, რათა დღევანდელი საქართველოს სრული სურათი დავინახო. ნატოს სურს არამხოლოდ მთავრობასთან, არამედ ქართველი საზოგადოების ყველა ნაწილთან შეხვედრა. ვიზიტის მესამე მიზეზი კი გარკვეული სამუშაოების ჩატარებას ეხება. ჩვენ ძალიან კარგი 2018 წელი გვქონდა, ბევრი კონკრეტული სამუშაო იქნა დასრულებული, დღესდღეობით ბევრად მეტი ნატო საქართველოში, მაგრამ ჩვენ გვინდა უფრო მეტი. მთავრობასთან და მომავალ ლიდერთან უნდა განვიხილოთ 2019 წლის გეგმები, ჩვენ გვინდა მეტი ნატო საქართველოში და აგრეთვე მეტი საქართველო ნატოში“.

პრეზიდენტი, რომ სალომე ზურაბიშვილი აღასრულებს ქართველი ხალხის ნებას!

„საერთაშორისო საზოგადოება მომავალ პრეზიდენტს მრავალი წელია ვიცნობთ, რა თქმა უნდა, საფრანგეთის ჩათვლით. ის არის ლოიალური, დიდი გამოცდილების ქართველი პოლიტიკოსი. მე ვნახე მისი გამოცემები Financial Times-ში, სადაც საუბრობდა საქართველოს ევროატლანტიკური მომავლისთვის მის მიერ განკუთვნილ უდიდეს ძალისხმევებზე. მოუთმენლად ველოდები ხვალ მასთან შეხვედრას. რაც ჩვენ მის გამოცემაში ვნახეთ და აგრეთვე, რაც მასთან პირადად საუბრებში მოვისმინეთ, მარწმუნებს, რომ გააკეთებს იმას, რაც თქვა, აღასრულოს ქართველი ხალხის ნება“, – განაცხადა ჯეიმს აპატურაიმ.

ბრიუსელში კალიან კაყოფილი დაპირდება

ძალიან კმაყოფილი ვარ ამ შეხვედრით და მისი გზავნილებით დავბრუნდები ბრიუსელში, – ამის შესახებ ჯეიმს აპატურაიმ საქართველოს არჩეულ პრეზიდენტთან სალომე ზურაბიშვილთან შეხვედრის შემდეგ განაცხადა. მისი თქმით, სალომე ზურაბიშ-

ვილთან შეხვედრაზე განხილული იყო ძალიან მნიშვნელოვანი საკითხები და პრიორიტეტული თემები, მათ შორის ნატო-საქართველოს ურთიერთობები. მისივე თქმით, ნატო აგრძელებს საქართველოს მხარდაჭერას.

მაშუკა ბახტაძემ და ჯეიმს აპატურაიმ მიღწეული პროგრესი და ძველის მდგრადი რეფორმები, რომელიც საქართველოში ხორციელდება.

შეხვედრაზე აღინიშნა, რომ 2018 წელი განსაკუთრებით წარმატებული იყო ნატო-საქართველოს ურთიერთობებში და თვალსაჩინოა ამ მიმართულებით ბოლო წლებში მიღწეული პროგრესი. მაშუკა ბახტაძემ განაცხადა, რომ საქართველოს ევროატლანტიკური მისწრაფება მთავრობის მაღალი დონის პრიორიტეტია, რასაც ქართველი ხალხი მხარს უჭერს.



ირაკლი კობახიძე: ინაუგურაციის შედეგად სასოფლო-სამეურნეო მიწებთან დაკავშირებით მორატორიუმი აბსოლუტურად უორკით ამოქვეყნდება

საპრეზიდენტო არჩევნების შემდეგ, კობახიძემ ბიუროს სხდომაზე სასოფლო-სამეურნეო მიწების გასხვისებისთანავე დაკავშირებით საკონსტიტუციო სასამართლოს გადაწყვეტილებაზე კომენტარი გააკეთა. კობახიძის თქმით, პრეზიდენტის ინაუგურაციის შემდეგ, ახალი კონსტიტუციის ამოქვეყნებისთანავე, სასოფლო-სამეურნეო მიწებთან დაკავშირებით მორატორიუმი აბსოლუტურად ფორმით ამოქვეყნდება: „კვირა დღეს აბსოლუტური ფორმით აღდგება მორატორიუმი გამომდინარე კონსტიტუციის ახალი რედაქციიდან, რომელიც ძალაში შევა სწორედ ინაუგურაციის შემდეგ. აქედან გამომდინარე, დამატებით ამ საკითხის განხილვის საჭიროებას ვერ ვხედავ. რაც შეეხება საზოგადოების ვენებათაღელვას, ამ საკითხის თაობაზე საზოგადოებას თუ მივანვიძით სწორ ინფორმაციას, ამ შემთხვევაში ვენებათაღელვაც არ იქნება. საზოგადოებას უნდა ვუთხრათ, რომ კვირა დღედან მორატორიუმი აღდგება აბსოლუტური ფორმით, თუ ეს ეცოდინება საზოგადოებას, ამ შემთხვევაში ვენებათაღელვაც არ იქნება“, – განაცხადა კობახიძემ.



ნაპოტიზმს – არა, პროფესიონალებს – კი!..

იმიტომ დაუჭირე მხარი საჯარო სამსახურის რეფორმაზე კანონს, რომ საჯარო სამსახური უნდა მოეწივას დემონიზებას, – ამის შესახებ პარლამენტის ჯანდაცვის



კომიტეტის თავმჯდომარე აკაკი ზოიძემ პრეზიდენტის ადმინისტრაციაში მოსალოდნელ ცვლილებებთან დაკავშირებით განაცხადა.

„საჯარო მოხელე უნდა იყოს პრესტიჟული, ასევე პრესტიჟული და პროგნოზირებადი უნდა იყოს ამ თანამდებობაზე მუშაობა, პროფესიონალებს ყოველთვის უნდა ჰქონდეთ შესაბამისი გზა. ნეპოტიზმს – არა, პროფესიონალებს – კი. ნებისმიერ შემთხვევაში, საჯარო სამსახურის რეფორმა ეჭვის ქვეშ არ უნდა დადგეს, შესაბამისად, არავითარ ვენებათაღელვას ადგილი არ უნდა ჰქონდეს“, – განაცხადა აკაკი ზოიძემ.

ცნობისთვის, „საჯარო სამსახურის შესახებ“ კანონში შესატანი ცვლილებები ადმინისტრაციის ყველა თანამშრომლის ადმინისტრაციული ხელშეკრულებებით დასაქმებაზე გადაყვანას ითვალისწინებს.

ალა მარშანია: ეს გაღანყებითაა სწორია!

მიმართულია, რომ გაღანყებითაა პრეზიდენტის ადმინისტრაციიდან თანამშრომლების შესაძლო გათავისუფლებაზე სწორია, – ამის შესახებ „პატრიოტთა ალიანსის“ წევრმა ალა მარშანიამ პრეზიდენტის ადმინისტრაციიდან თანამშრომლების შესაძლო გათავისუფლებასთან დაკავშირებით განაცხადა.

მისი თქმით, პრეზიდენტი თავისი აპარატის მიმართულებაში უნდა იყოს მაქსიმალურად თავისუფალი, რადგან ისეთი აპარატი ჰყავდეს, რომელიც ეფექტურად იმუშავებს და ვინ თუ არა მან, პირველ რიგში უნდა გადაწყვიტოს, რომელი ადამიანი იმუშავებს მასთან.

„პირველ რიგში, ეს კანონპროექტი უნდა განვიხილოთ, ასე ხელაღებით, რომ არ გიპასუხოთ, ჩავისელოთ კანონპროექტში, განვიხილოთ სერიოზულად და მერე უკვე კვალიფიციურად გაცემთ პასუხს. ისე ზოგადად, შემძლია ვთქვა, რომ პრეზიდენტი თავისი აპარატის მიმართულებაში უნდა იყოს მაქსიმალურად თავისუფალი, რადგან ისეთი აპარატი ჰყავდეს, რომელიც ეფექტურად იმუშავებს და ვინ თუ არა მან, პირველ რიგში

უნდა გადაწყვიტოს, რომელი ადამიანი იმუშავებს მასთან. რასაკვირველია, უნდა ვიფიქროთ ამ ადამიანების უფლებების დაცვაზე“, – განაცხადა ალა მარშანიამ.

ცნობისთვის, „საჯარო სამსახურის შესახებ“ კანონში შესატანი ცვლილებები ადმინისტრაციის ყველა თანამშრომლის ადმინისტრაციული ხელშეკრულებებით დასაქმებაზე გადაყვანას ითვალისწინებს.

პრეზიდენტის საპარლამენტო მდივნის ანა ნაცვლიშვილის განმარტებით, აღნიშნული ცვლილებები იმას ნიშნავს, რომ თანამშრომლებს, რომლებიც მრავალი წელია, პრეზიდენტის ადმინისტრაციაში მუშაობენ და უზარმაზარი გამოცდილება გააჩნიათ, აღარ ექნებათ დაცულობის ის გარანტიები, რაც საჯარო მოხელეებს აქვთ და მათ სამსახურიდან ნებისმიერ დროს, კომპენსაციისა და ახსნა-განმარტების გარეშე გაუშვებენ.

„მოდი, საახალწლო სიურპრიზი გავუკეთოთ „ნაციონალურ მოძრაობას“

მოდი, საახალწლო სიურპრიზი გავუკეთოთ „ნაციონალურ მოძრაობას“ და განვიხილოთ „პატრიოტთა ალიანსის“ რეზოლუციის პროექტი, – განაცხადა „პატრიოტთა ალიანსის“ დეპუტატმა ალა მარშანიამ პარლამენტის ბიუროს სხდომაზე.

„ვნახე და მიხარია, რომ ჩვენი ანტინაციისტური რეზოლუციის პროექტი დღის წესრიგში შესულია, მაგრამ 45-ე ნომრად. მოდი, საახალწლო სიურპრიზი გავუკეთოთ „ნაციონალურ მოძრაობას“ და, ბოლოს და ბოლოს, განვიხილოთ ეს რეზოლუციის პროექტი, საახალწლო რეზოლუცია ან ვცნოთ, რომ ეს მართლა კრიმინალური რეჟიმი იყო ან გააგრძელეთ მან მათთან თანამშრომლობა. გადავნიოთ უფრო წინ, ახალ წლამდე განვიხილოთ და მივიღოთ“, – განაცხადა ალა მარშანიამ. „პატრიოტებმა“ „საკავშირ-ბოკერისა და ნაშაუ-ლერის რეჟიმად გამოცხადების შესახებ“ რეზოლუციის პროექტი რამდენიმე თვის წინათ მოამზადა.



ირმა ინაშვილი: გართულა დაგილენავით თავ-ყბას

საპარლამენტო პარლამენტში მიმდინარე სესიაზე დაპირისპირება მოხდა. „ნაციონალური მოძრაობის“ წევრის ნიკა მელიას სიტყვით გამოსვლის შემდეგ დარბაზში ხმაური იყო.

„პატრიოტთა ალიანსის“ ლიდერმა ირმა ინაშვილმა ნიკა მელიას მიმართა და უთხრა, რომ ხმა ჩაეკმინდა და ჩუმად მჯდარიყო. ამის შემდეგ ინაშვილი მელიას საჯაროდ მივიდა და მას ფურცლები შეაყარა. „ერთხელ მართლა დაგილენავით თავ-ყბას“, — მიმართა ინაშვილმა მელიას, რის შემდეგაც დეპუტატები ერთმანეთს სიტყვიერად დაუპირისპირდნენ. დაპირისპირებაში საპარლამენტო უმრავლესობის წევრი ზაზა პაპუაშვილიც ჩაერთო.

მანდატურის თანამშრომლებმა ნიკა მელია დარბაზიდან გაიყვანეს, მას ირმა ინაშვილი თან გაჰყვა. პარლამენტის თავმჯდომარე ირაკლი კობახიძემ ნიკა მელია „კონცერტის მონყოლაში“ დაადანაშაულა, სარკვეში ჩახედვა ურჩია და უთხრა, რომ რაც პარლამენტში მოხდა, მისი ბრალი იყო.

მარცხსაც სჭირდება ღირსეულად შესვენება, თქვენ ხართ უღირსი დამარცხებული, — ასე გამოეხმაურა საქართველოს პარლამენტის თავმჯდომარე „ნაციონალური მოძრაობის“ წევრს ნიკა მელიას გამოსვლას პლენარულ სხდომაზე.

„ბატონო ნიკა, თქვენი გამოსვლა იყო სავესტუარული, ცილისწამებით. მოგიწოდებთ, სარკვეში ჩაიხე-



რა გინდათ, გამოგიყვანოთ, გაგანგრეთ და მოგკლათ? — ამ განცხადებით, „ქართული ოცნების“ დეპუტატმა ზაზა პაპუაშვილმა ოპოზიციის ლიდერებს მიმართა.

პარლამენტში, სესიაზე ვითარება ცოტა ხნის წინათ დაიძაბა. „პატრიოტთა ალიანსის“ ლიდერი ირმა ინაშვილი და მმართველი გუნდის წევრი ზაზა პაპუაშვილი ენმ-ს წევრ ნიკა მელიას ფიზიკურად დაუპირისპირდნენ. ინაშვილმა მელიას სახეში ფურცლები შეაყარა, ზაზა პაპუაშვილმა კი ხელი დაარტყა. ვითარება მანდატურმა განმუხტა და სესიაზე შესვენება გამოცხადდა.

განცხადება კი პაპუაშვილმა სხდომის განახლების შემდეგ გააკეთა და ფიზიკური დაპირისპირების მიზეზზე ისაუბრა.

პაპუაშვილი ამბობს, რომ ვითარების პროვოცირება ოპოზიციამ მოახდინა. მან გიგა ბოკერიასაც მიმართა და „ყვეფა უწოდა“.

დღით და დაინახავთ თქვენს დამარცხებულ სახეს, დაკარგულ სახეს. არ შეიძლება, მარცხმა ასე დაგაკარგვიოთ სახე. სირცხვილია. მარცხსაც სჭირდება ღირსეულად შესვენება. თქვენ ხართ უღირსი დამარცხებული“, — განაცხადა ირაკლი კობახიძემ.

მისივე თქმით, მმართველი გუნდი გამარჯვებას ღირსეულად შეხვდა და ისტერიკა, რომელიც ოპოზიციის წინაშე, აჩვენებს, რომ ოპოზიციის საკუთარ მარცხს უღირსად შეხვდა.

ამ ადამიანებს დავარქვათ დანაშაულებრივი რეჟიმი და დასრულდება ეს ფარული სამოქალაქო ომი.

თქვენი გამკვირვებია, რა გახდა, ამ ადამიანებს ერთხელ და სამუდამოდ დავარქვათ ის, რაც ჰქვიათ, დანაშაულებრივი რეჟიმი და დასრულდება ის ფარული სამოქალაქო ომი, რომელიც მიმდინარეობს — ამ განცხადებით, „პატრიოტთა ალიანსის“ ლიდერმა ირმა ინაშვილმა, „ქართული ოცნების“ ლიდერებს მიმართა.

თბილისის წლავანდელი სახალწლო სლოგანი „სიყვარულით სავსე ქალაქი“!

ამის შესახებ თბილისის მერმა კახა კალაძემ მუნიციპალიტეტის მთავრობის სხდომაზე განაცხადა.

მისი თქმით, სამწუხაროდ, დღეს ქალაქში ნათლად იგრძნობა სიყვარულის ნაკლებობა, რომელიც ყველა დიდი საქმის კეთების დროს მთავარი მამოძრავებელი ძალა და მოტივატორია.

„ბოლო თვეების განმავლობაში, ძალიან ბევრი მნიშვნელოვანი პროექტი განხორციელდა. მოსახლეობის მხარდაჭერა და თანადგომა გვაძლევს კიდევ უფრო მეტ სტიმულს, რომ უფრო მეტი გავაკეთოთ, მეტი პროექტი განვახორციელოთ. საზოგადოების გარეშე, მხოლოდ მერია და მერიის თანამშრომლები ვერაფერს გააკეთებენ. ვფიქრობ, უმთავრესი მაინც არის ის, რისი ნაკლებობაც, სამწუხაროდ, დღეს ჩვენ ქალაქში ნათლად იგრძნობა; ის, რაც არის მთავარი მამოძრავებელი ძალა და მოტივატორი ყველა კარგი და დიდი საქმის კეთების დროს — ეს არის სიყვარული.“

უფრო მეტი სიყვარული გვმართებს ერთმანეთის, უბნის, ქალაქის, მოსულების, ახალგაზრდების, გაჭირვებაში მყოფი ადამიანების, ქუჩის ბინადარი ცხოველების მიმართ; მეტი პატივისცემა გვმართებს, როგორც ჩვენი დიდი მეგობრების, ისე სიახლეებისადმი. ვისურვებდი, სწორედ სიყვარული იყოს ყოველი ახალი წამოწყების საფუძველი. არა ბოლმით, ერთმანეთის ლანძღვით და ქილიკით, არამედ სიყვარულით ვაკეთოთ საქმე და ასე ვემსახუროთ ჩვენს ქალაქს, მოსახლეობას და სამშობლოს. სწორედ ამიტომ, ჩვენი წლევანდელი სახალწლო სლოგანი იქნება — „სიყვარულით სავსე ქალაქი“, — განაცხადა კახა კალაძემ.

მისივე თქმით, არავის სიამოვნებს ის გარემო და მდგომარეობა, რომელშიც დღეს საზოგადოება იმყოფება.

„კიდევ ერთხელ ვიმეორებ, რაც ყველაზე მეტად გვჭირდება, ეს არის ურთიერთპატივისცემა, ერთმანეთისადმი სიყვარული. დაიღალა საზოგადოება ამდენი სიძულვილით, ბოლმით, შეურაცხყოფით ერთმანეთის მიმართ. მესმის, რომ შეიძლება გვეკონდეს განსხვავებული პოლიტიკური შეხედულებები, მაგრამ ეს ყველაფერი უნდა იყოს ცივილური — უნდა იყოს პოლემიკა, დებატები და არა ის, რაც დღეს ხდება. ეს კატეგორიულად მიუღებელია ყველასთვის. არავის სიამოვნებს ის გარემო

და მდგომარეობა, რომელშიც ვიმყოფებით“, — განაცხადა კახა კალაძემ. ამასთან, თბილისის მერმა დედაქალაქში დაგეგმილ სახალწლო ღონისძიებებზეც ისაუბრა. მისივე თქმით, ნაძვის ხის განთავსებასთან დაკავშირებით ზუსტი ინფორმაცია რამდენიმე დღეში გახდება ცნობილი.

თბილისის მთავრობა ბინათმშენებლობის კოოპერატივებით დაზარალებულ მოსახლეობას პრობლემას მოუგვარებს



დედაქალაქის მერი კახა კალაძე სამშენებლო კომპანიების წარმომადგენლებს მოუწოდებს, ბინათმშენებლობის კოოპერატივებით დაზარალებული მოსახლეობისთვის გადასაცემ ფართობთან დაკავშირებით, საკუთარი წინადადებები წარმოადგინონ.

როგორც მან მუნიციპალიტეტის მთავრობის გუშინდელ სხდომაზე განაცხადა, დაზარალებულთა დაკმაყოფილებისთვის საწყის ეტაპზე, რამდენიმე მიწის ნაკვეთი უკვე გამოიყო.

„ბინათმშენებლობის კოოპერატივებით დაზარალებულთა ფართობით დაკმაყოფილება ძალიან მნიშვნელოვანი საკითხია. აღნიშნული პრობლემა 3000-ზე მეტ ოჯახს 90-იანი წლებიდან აწუხებს. ჩემი წინასწარჩევნი დაპირებაც იყო, რომ ამ პრობლემის მოგვარებას დავინყებდი. კონკრეტული ნაბიჯები უკვე გადაიდგა. ჩვენ ვიქნებით ქალაქის ის მთავრობა, რომელიც ამ ადამიანებს აღნიშნულ პრობლემას მოუგვარებს და მათი ბინებით უზრუნველყოფა მოხდება. უკვე შევარჩიეთ კონკრეტული არეალები, სადაც შესაძლებელი იყო მშენებლობების განხორციელება. გამოცხადე-

ბული გვექონდა ინტერესთა გამოხატვა, თუმცა სამწუხაროდ, არც ერთი დაინტერესებული კომპანია არ აღმოჩნდა, ვინც ამ პროექტებს განახორციელებდა“, — განაცხადა კახა კალაძემ.

მისივე თქმით, დედაქალაქის მერია დაინტერესებულ პირებთან და სამშენებლო კომპანიებთან თანამშრომლობისთვის მზადაა.

„მეგობრული სამშენებლო კომპანიების, რადგან ყველას საკუთარი ბიზნესმოდელი აქვს, თუმცა ჩვენ მიდგომა შევცვალეთ. აღნიშნული პროექტებით ძალიან ბევრი სამშენებლო კომპანია დაინტერესებული, ისინი დაზარალებულ მოქალაქეებთან ერთად მოდიან და მერიას სხვადასხვა წინადადებას სთავაზობენ. ჩვენ მზად ვართ თანამშრომლობისთვის. მინდა, მივმართო სამშენებლო კომპანიებს, აღნიშნულ მიწებზე საკუთარი წინადადებები წარმოადგინონ. გვინდა, მათი წინადადებები მერიის ვებგვერდზე განვათავსოთ, სადაც მათი ნახვის შესაძლებლობა ყველა დაინტერესებულ მხარესა და კომპანიას ექნება. გამარჯვებულად კი ჩაითვლება ის, რომელიც დედაქალაქის მერიას მეტ ფართს შესთავაზებს, რათა საცხოვრებელი რაც შეიძლება მეტი ადამიანი დაკმაყოფილდეს“, — აღნიშნა დედაქალაქის მერმა.

თბილისში ხმაურის კონტროლი გაასრულა

დედაქალაქის მერი კახა კალაძემ თბილისის მუნიციპალურ ინსპექციას დაავალა, ტურისტულ ზონებში ხმაურის კონტროლი მაქსიმალურად გამკაცრდეს.

„სამწუხაროდ, ამ მიმართულებით, სერიოზული პრობლემები გვაქვს. თბილისში ეს რეგულაცია დაცული არ არის. ტურისტულ არეალებში საკმაოდ კრიტიკული მდგომარეობაა. განსაკუთრებით შენუხებულთა კალაუბნის მოსახლეობა, ასევე, სერიოზულად დაზარალებულია უბნებში განთავსებული სასტუმროები. მინდა, მუნიციპალურ ინსპექციას მივმართო — ჩემი კატეგორიული მოთხოვნაა, რომ ეს ყველაფერი მოწესრიგდეს და დარეგულირდეს. ჩვენ, რა თქმა უნდა, არავის ვერჩით — კაფე უნდა იყოს, ბარიც, დისკო-კლუბებიც, მაგრამ ის მიდგომა, რაც ამ კონკრეტულ ლოკაციებზე ხდება, მიუღებელია. გამოდგმული აქვთ დინამიკები გარეთ, ცდილობენ ერთმანეთის გადაფარვას და სრული ქაოსია. მსგავსი დამოკიდებულება არც ერთ განვითარებულ ქალაქში არ არის. ამიტომ, ჩემი დაავალებაა, რომ აღნიშნული პრობლემა რაც შეიძლება სწრაფად მოგვარდეს“, — განაცხადა კახა კალაძემ.

მომსახურების სფეროში ადამიანები ისევ იჩაბრებიან!!!

სუპერმარკეტები არ არის ერთადერთი ადგილი სადა მათი უფლებები ირღვევა. 2017 წელს მომსახურების სფეროში დასაქმებული ადამიანების შრომითი უფლებები ირღვევა. 2017 წელს მომსახურების სფეროში შრომითი უფლებების დარღვევები ანგარიში გამოქვეყნდა – სურათი მძიმე იყო მაშინ და უცვლელია დღემდე.

ღირსებაშეღაცებული დასაქმებულები დღეს უკვე ღიად წერენ სოციალურ ქსელებში იმაზე, რომ დამსაქმებლები მუდმივად უგვიანებდნენ ხელფასებს, რომ კვირაში, კანონით დაწესებული 40 ნაცვლად, ხშირად ორჯერ მეტს მუშაობდნენ და ამაში მიზერულ ხელფასს იღებდნენ, რომ ხანდახან სამუშაო დრო დღეში 14 საათს სცდებოდა, რომ 10 საათი ფეხზე დგომა უნდებოდა, ხოლო თუ მაღაზიაში რამე დაიკარგებოდა, თვის ბოლოს ხელფასებს მათ აჭრიდნენ და ასე სთხოვდნენ პასუხს. რაც მთავარია, ყველა წერს და პირად საუბარშიც შენიშნავს, რომ მათ მონებივით ექცეოდნენ. თუმცა, როგორც ირკვევა, ეს არ არის მხოლოდ სუპერმარკეტების თანამშრომელთა პრობლემა. ღირსებაშეღაცებული ადამიანები ღიად ასახელებენ იმ კომპანიებს, სადაც მათი შრომა დაფასებული არ არის.

„თუ არ გინდა, წაიღი“

„მართი ძალიან სამარცხვინო ამბავი უნდა დავწერო. კომპანია DOTS-იდან მეორე თვეა, რაც წამოვედი. ამ კომპანიაში ასევე მუშაობდა ჩემი მეგობარი, რომელსაც მთელი რიგი პრობლემების გამო მოუხდა წამოსვლა. კომპანიას უთხრა, რომ 1 კვირა დარჩებოდა, რომ თვე მთლიანად ჩამოთვრებინა და სხვებს ასწავლიდა პროგრამას, რომ უპასუხისმგებლოდ არ წამოსულიყო... კომპანიამ, რომელიც დაპირებული 2% ბონუსის ნაცვლად ბევრად ნაკლებს ურიცხავს თანამშრომლებს, საერთოდ არ ჩაურიცხა არათუ ბონუსი, არც მოჭრილი ხელფასი. მაგრამ რა უნდა გაგიკვირდეს იქ, სადაც არც ერთ დასვენებაზე არ გასვენებენ და თვითონ გინყვიტენ, შვებულებაში რამდენი ხნით და როდის უნდა გახვიდე... ჰოდა,

ეს სტატუსი კომპანია DOTS-ის ყოფილმა თანამშრომელმა გიორგი ჩემინავამ საკუთარი ფეისბუქის გვერდზე, დაახლოებით, ათი დღის წინ გამოაქვეყნა – ის ასე გამოექცომა მეგობარს ქსენია ფაიქიძეს, რომელიც ამავე კომპანიაში მენეჯერ-კონსულტანტად მუშაობდა. რადიო თავისუფლებას გიორგიმ უთხრა, რომ ყოფილ სამუშაო ადგილზე შრომის კოდექსით გათვალისწინებულ პირობებს ყურადღებას არ აქცევდნენ – მენეჯმენტი თავად წყვეტ-

და თანამშრომლების შვებულების დროს და ხანგრძლივობას, ზეგანაკვეთურ შრომას არ ანაზღაურებდნენ.

„ყველაზე აუტანელი მინც თანამშრომლების მიმართ მიდგომა იყო. თუ პრეტენზიას გამოთქვამდი, ერთი პასუხი ჰქონდა: „თუ არ გინდა, წაიღი“.

ქსენია ფაიქიძისა და კომპანიის ურთიერთობა ჯერაც არ მოგვარებულა. ქართული ტანსაცმლის ბრენდს მისთვის ბოლო თვის ხელფასი ამ დრომდე არ ჩაურიცხავს. საქმე, შესაძლოა, სასამართლომდეც მივიდეს. ქსენია იხსენებს, რომ არასოდეს სრულდებოდა მათ ხელშეკრულებაში ჩანერილი პირობა, რომ თვეში 192 საათი უნდა ემუშავათ. თვის ბოლოს, როგორც წესი, 216 საათი გამოსდიოდათ. ამბობს, რომ არც ბონუსით გათვალისწინებული თანხა ემატებოდა ზუსტად მის ხელფასს. ყოველთვის იმაზე ნაკლები იყო, ვიდრე ელოდა.

DOTS-ში ყოფილი თანამშრომლების პრეტენზიებს არ იზიარებენ. ქსენიას თაობაზე გვიტყვით, რომ მან სამი დღით ადრე აცნობა კომპანიას წასვლის შესახებ გადამწყვეტილება: „ეს არც შრომის კოდექსით არის გათვალისწინებული და არც მისი შემცველი გვყავდა მოქმენილი“, – უთხრა რადიო თავისუფლებას DOTS-ის ერთ-ერთი მაღაზიის მენეჯერმა ნინო სიმონიშვილმა. მისივე თქმით, კომპანიის თანამშრომლები მუშაობენ დღეში 9 საათის განმავლობაში, აქვთ ერთსაათიანი შესვენება და კვირაში დასვენების ერთი დღე. კონსულტანტის ხელფასი 500 ლარია, რასაც ნავაჭრის პროცენტი ემატება.

„60 საათი კვირაში – 400 ლარად“

გვანცა ბერაძე პირველკურსელი იყო, როდესაც თბილისის ერთ-ერთ ჰიპერმარკეტში დაიწყო მუშაობა. ამჯერად მას არ სურს ამ მაღაზიაში ქსელის სახელის დასახელება. შეთანხმების თანახმად, კვირაში 6 დღე უნდა ემუშავა, დღეში – რვა საათი, თუმცა სამუშაო დრო ხშირად გვიან ღამემდე გრძელდებოდა, რამაც დამატებით არაერთ არაფერს უხდიდა. კვირაში 60 საათს მუშაობდა. ხელშეკრულებაზე კონსულტანტების აბსოლუტურ უმრავლესობას ხელი მოწერილი არ ჰქონდა.

გვანცა ამბობს, რომ ასეთ სამსახურზე ძირითადად 18-დან 25 წლამდე ახალგაზრდები თანხმდებიან: „ვისაც ან ფინანსური პრობლემა აქვს, ან ისეთი სამსახურის დაწყება სურს, სადაც არ სთხოვენ გამოცდილებას და დიპლომებს“.

გვანცას 400 ლარს უხდიდნენ. ერთი წელი გაუძლო. მთავარი მიზეზი, რის გამოც წამოვიდა, იყო სამუშაოსთან შეუსაბამო ხელფასი, არაანაზღაურებადი ზეგანაკვეთური შრომა და მძიმე ტვირთის აწევა, რაც საკმაოდ ხშირად უწევდა.

გვანცას მსგავსი არაერთი ამბავი მოხვდა გაერთიანებული პროფკავშირების გამოკვლევაში 2017 წელსაც. მაშინ ამ გამოკვლევის მონაწილე რესპონდენტები მუშაობდნენ ისეთ სუპერმარკეტებში, როგორებიცაა: „ნიკორა“, „ორი ნაბიჯი“, „ფრესკო“, „კარფური“, „ვეჯინი“, „ეკროპროდუქტი“ და „სპარი“. ამ გამოკვლევაში მონაწილე რესპონდენტების 24.0%-ს მუდმივად უწევდა თავის ძირითად საქმესთან ერთად დამატებითი სამუშაოს შესრულება, 39.5%-ს იშვიათად, თუმცა მინც უწევდა თავის ძირითად საქ-



მესთან ერთად დამატებითი სამუშაოს შესრულება. ამავე გამოკვლევის თანახმად, რესპონდენტთა 33.5%-ს ხელფასი უკავებოდა – ეს მაშინ, როდესაც სუპერმარკეტებში დასაქმებულთა საშუალო ხელფასი, დაახლოებით, 362 ლარი იყო, ხოლო დაკავებული ხელფასის რაოდენობა საშუალოდ – 122 ლარი.

ერთი წლის წინ სამუშაო პირობებზე კომენტარისგან თითქმის ყველა სუპერმარკეტმა თავი შეიკავა. ერთი წლის შემდეგ ჩვენ ისევ ვცადეთ რამდენიმე სუპერმარკეტის ხელმძღვანელებსთან დაკავშირება და პასუხის მიღება შეკითხვაზე, შეიცვალა თუ არა რამე მათ ქსელში. პასუხი ამ დრომდე არ გვაქვს.

სასიკეთო ცვლილებებზე ვკითხეთ პროფკავშირების ახალგაზრდული მოძრაობის ხელმძღვანელს გიგა ბეჟაურსაც. დამამხივებელი პასუხი არ მიგვიღია:

„მომსახურების სფეროში დღესაც აბსოლუტურად იგივე პრობლემებია. ერთადერთი, დამსაქმებლები შედარებით ფრთხილად არიან და ცდილობენ, არ გააღიზიანონ დასაქმებულები. ესეც იმიტომ, რომ თავიდან აიცილონ ისეთი საჯარო კამპანიები, როგორიც შარბან იყო, რამაც მათი ბიზნესი გარკვეულწილად დააზარალა“.

იხ. 6 გვ.

დაბრკობებითი პენსია – უპირატესობა და უიქადობა...

2019 წლიდან ძალაში შედის კანონი „დაგროვებითი პენსიის შესახებ“. რუსთაველების ერთი ნაწილი უნდობლობას ავლენს საპენსიო რეფორმის მიმართ, ზოგს საერთოდ არ სმენია, ზოგსაც მოსწონს, მაგრამ ფიქრობს, რომ ამ ეტაპზე დაგროვებითი პენსია არ იმუშავებს, მისი ბუნდოვანებისა და ძველი გამოცდილების გამო.

საპენსიო რეფორმა საჯარო სამართლის იურიდიულმა პირმა „საპენსიო სააგენტომ“ უნდა განახორციელოს. კანონის თანახმად, სწორედ სააგენტოს ფონდში დაგროვდება დამსაქმებლის, დასაქმებულისა და სახელმწიფოს მიერ შეტანილი თანხა. დასაქმებული მოქალაქე საპენსიო ფონდში ყოველთვიურად შეიტანს დაუბერავი ხელფასის 2 პროცენტს, 2-2 პროცენტს შეიტანენ დამსაქმებელი და სახელმწიფოც. კანონი სავალდებულოდ ვრცელდება 40 წლამდე ასაკის დასაქმებულებზე, 40 წლის შემთხვევაში კი ნებაყოფლობითია. „საპენსიო სააგენტოს“ დირექტორმა ლევან სურგულაძემ დაგროვებითი პენსიის უპირატესობაზე რუსთავის დემოკრატიული ჩართულობის ცენტრში ისაუბრა, რის შემდეგაც დაახლოებით ორი საათის განმავლობაში პასუხობდა მოქალაქეთა შეკითხვებს. მათი ნაწილი ექსპრეს გამოთქვამდა.

„ამ ასი ლარის ღირებულება 30 წლის მერე ნამდვილად აღარ იქნება, თუ გავითვალისწინებთ გამოცდილებას, რომელიც საქართველოს აქვს, შეიძლება 10 ლარიც აღარ იყოს. და რა გარანტია მაქვს? ხომ მიჩვენია გადავიყვანო უცხოურ ვალუტაში, დაეზოგო ბანკში, თუნდაც ანაბრის სახით ან კერძო საკუთრების სახით?“ – იკითხა ერთ-ერთმა დამსწრემ, რომელიც ტურისტული კომპანიის ხელმძღვანელი აღმოჩნდა. მას „სა-

პენსიო სააგენტოს“ დირექტორმა ლევან სურგულაძემ განუმარტა, რა მოხდება იმ შემთხვევაში, თუ, მაგალითად, დასაქმებულისთვის დარიცხული ხელფასი 1000 ლარია და გადაწყვეტს საპენსიო თანხის დაგროვებას:

„16 ლარი ეს არის ის განკარგავადი შემოსავალი, რომელიც დღეს დათმობდა ამის სანაცვლოდ თქვენს (საპენსიო) ანგარიშზე, ამ 16 ლარის სანაცვლოდ გაჩნდა 20 ლარი. ამ 20 ლარს დაემატა კიდევ 20 ლარი, რომელიც დადო თქვენმა დამსაქმებელმა, და მას კიდევ დაემატა 20 ლარი, რომელიც დადო სახელმწიფომ. ესე იგი თქვენ განკარგავადი შემოსავლიდან დათმობთ 16 ლარი და ანგარიშზე გაგიჩნდათ 60 ლარი. ეს რომ დათმობდით, გამოდგება 260 პროცენტი მომენტალური ურისკო ამონაგები ინვესტიცია“.

ლევან სურგულაძის თქმით, საპენსიო სააგენტოს სამეთვალყურეო საბჭოს პროგნოზით, ერთ წელიწადში საპენსიო ფონდში 1,5 მილიარდი ლარი დაგროვდება, 5 წელიწადში კი ეს თანხა მიაღწევს 5 მილიარდს, რომელსაც სხვადასხვა საინვესტიციო პროექტში დააბანდებენ.


„საპენსიო სააგენტოს სტრუქტურა მოიაზრებს არა მხოლოდ დამოუკიდებელ საინვესტიციო საბჭოს და მის ქვესტრუქტურას, არამედ მეორე მხარეს იქნება ასევე სრულიად დამოუკიდებელი და იგივე მაღალი ლეგიტიმაციის

რისკის კონტროლის სამსახური, რომელსაც ყოველმა თავისი საბჭო, იქნება მთავარი რისკის ოფიცერი, იქნება რისკის სამსახური. გააკეთებენ ყოველდღიურად ყოველი ტრანზაქციისთვის რისკების მონიტორინგს, რისკების აღმოჩენას, მათ შეფასებას, დათვლას, აგრეგირებას“.

პირადად ჩემთვის ყოველი კაპიტი მნიშვნელოვანია. ხელფასები დაბალია, გადასახადები მაღალია, ინფლაციის გამო ყველაფერი გაძვირდა და ის (დაუბერავი შემოსავლის) 2 პროცენტზე კი ტვირთად აწევს ადამიანს, როცა კომუნალური გადასახადები იზრდება, შემოსავლები კი არ იზრდება.

ლევან სურგულაძეს საუბარი ჯერ დასრულებული არ ჰქონდა, როცა დარბაზიდან ირონიული რეპლიკით მიმართეს: **თქვენეი კომპანიაში ხართ თუ ილუზიონისტი?**

ღიმილნარევი პასუხის მომენტი შემდეგ, რეპლიკის ავტორმა, დაახლოებით 50 წლის მამაკაცმა, დარბაზი დატოვა. შეხვედრის შემდეგ რუსთავის მერიის სოციალური სამსახურის უფროსმა ნინო ქვირიამ რადიო თავისუფლებას უთხრა, რომ „საპენსიო სააგენტოს“ დიდი ძალისხმევა დასჭირდება მოსახლეობის ნდობის მოსაპოვებლად: „არაპენსიონერებს უფრო მეტი კითხვა გაუჩნდებათ, ვიდრე პენსიონერებს და ის ჩვენი პენსიონერებიც აუცილებლად მოკითხავენ (90-იან



„ფორბსი“: რატომ არის ქართული ღვინო პლანეტის ყველაზე უნიკალური ღვინოებს შორის...

რატომ არის ქართული ღვინო პლანეტის ყველაზე უნიკალური ღვინოებს შორის, — ასეთი სათაურით აქვეყნებს სტატიას ცნობილი ამერიკული გამოცემა „ფორბსი“.

„როდესაც გასულ წელს არქეოლოგებმა საქართველოში რვა ათასი წლის წინანდელი კერამიკის ნაშესრევებზე მეღვინეობის კვალი აღმოაჩინეს, პატარა ყოფილმა საბჭოთა რესპუბლიკამ მსოფლიოს უძველესი ღვინის მწარმოებლის გვირგვინი მოიპოვა“, — წერს სტატიის ავტორი ლანა ბორტოლოტი.


სტატიის ავტორი აღნიშნავს, რომ საქართველოში თეთრი ღვინის დაყენების განსაკუთრებული წესი არსებობს, რაც გულისხმობს ღვინის ყურძნის ჩენჩოსთან და წიწხასთან თევობით კონტაქტს და მინაში ჩაფლული თიხის ამფორაში — ქვევრში დუღილს. „ეს ტენდენცია პოპულარული გახდა მსოფლიოს სხვა ქვეყნებშიც, თუმცა მისი ფესვები ქართული კულტურის სიღრმეებიდან მოდის“, — ნათქვამია „ფორბსის“ სტატიის მიხედვით.

აქვე მოყვანილია „ქართული ღვინის სახლის“ გაყიდვების მენეჯერის ნოელ ბროკეტის შეფასება.

„იმაში, თუ როგორ უყვართ ქართველებს ღვინო, არის რაღაც განსაკუთრებული. ეს ცოტა ექსცენტრიულია, შემდეგ როდესაც ამას უკვირდები, ნამდვილად გაოცებული რჩები — ეს არის კულტურისა და ყოველდღიური ცხოვრების განუყოფელი ნაწილი“, — ამბობს „ფორბსთან“ ვაშინგტონში მდებარე „ქართული ღვინის სახლის“ გაყიდვების მენეჯერი ნოელ ბროკეტი, რომელიც ლონსიდგებას ჩონხაში ჩაქმული ესწრება.

როგორც სტატიის ავტორი წერს, საქართველოში ტრადიციული მღვინეობა ყოველთვის იყო სახინაო სახე, რომელიც დამატებით და მითოლოგიასთან არსებობს. რელიგიისთან და მითოლოგიასთან. არსებობს კვლევა, რომლის თანახმადაც, მიუმრავლეს აქამდე პირადად გულმოდგინედ, რომლის თანახმადაც, მიუმრავლეს აქამდე პირადად გულმოდგინედ, რომლის თანახმადაც, მიუმრავლეს აქამდე პირადად გულმოდგინედ.

ყველაზე უნიკალური ღვინოებს შორის...



„თუ გავიხსენებთ ისეთ ქვეყნებს, როგორც საფრანგეთი და იტალია, რომლებიც ღვინოცენტრული კულტურის მქონე არიან, საქართველომ ეს სრულიად სხვა დონეზე აიყვანა — ბევრად სიღრმისეულად, ვიდრე გვინახავს“, — ამბობს სომელიე ლოს-ანჯელესიდან ტელიორ პარსონსი, რომელიც საქართველოში სამჯერ იმყოფებოდა.

სტატიის ავტორი აღნიშნავს, რომ რვა ათასი წლის ისტორიის მიუხედავად, ქართული ღვინო მსოფლიოს ღვინის რუკაზე ცოტა ხნის წინათ გაჩნდა, რაც ნაწილობრივ ქარვისფერი ღვი-

ნის ტენდენციის, ნატურალური ღვინისადმი მზარდი ინტერესისა და მეღვინეობის გაუმჯობესების შედეგია. თუმცა ეს გეოპოლიტიკური მიზეზებითაც არის განპირობებული.

როგორც სტატიის ავტორი აღნიშნავს, კასპისა და შავ ზღვებს შორის მოქცეულ პატარა რესპუბლიკაში მეღვინეობა საბჭოთა მმართველობის დროს 2003 წლამდე დაზარალებული იყო. ისტორიული ვენახები გამოიყენებოდა იაფი ქარხნული ღვინის წარმოებისთვის. სამოქალაქო ომმა და შემდეგ ქართულ ღვინოზე 2006-2013 წლებში

დანესებულმა რუსულმა ემბარგომ ხარისხის კენ სვლა უფრო მეტად შეაჩერა.

„მთავრობას სურდა, რომ გაუმჯობესებულიყო თანამედროვე ღვინის წარმოება, რომელიც გაიყიდებოდა დიდი მოცულობით, ამიტომ სახელმწიფომ მხარი დაუჭირა დიდი კოოპერატივების თანამედროვე მეღვინეობაზე გარდაქმნას“, — ამბობს ღვინის ექსპერტი ლიზა გრანკი, რომელიც საქართველოს ღვინის ეროვნული სააგენტოს მრჩეველად მუშაობდა.

„ქართული ღვინის მეგვიდრეობა აღდგა, როდესაც ჯონ ვურდემანის მსგავსმა ადამიანებმა დაინახეს მისი უნიკალური ადგილი მსოფლიოში. ამერიკელი უკვე ცხოვრობდა ამ ქვეყანაში, როგორც ყოფილი მხატვარი, როდესაც საქართველოს მეღვინეობის გულში, კახეთში მერვე თაობის მეღვინემ გულა ფათალიშვილმა მას ადგილობრივი ღვინო გააცნო. 2007 წელს მათ ერთად დააარსეს ღვინის მწარმოებელი კომპანია „სოხის ცრემლები“, რითაც ქართული ღვინის კულტურის აღორძინება და შენარჩუნება დაიწყო“, — წერს „ფორბსი“.

„ფორბსი“ აღნიშნავს, რომ ქართველ მეღვინეებს შორის დღეს წარმოდგენილები არიან როგორც ტრადიციული მეღვინეები, ისე მიგრანტები, როგორებიც არიან ვინსენტ უსლიერი და გიომ გურუ — ორი ფრანგი, რომლებმაც შექმნეს Lapati — ფერმა საგარეოში. ისინი 12 ათასამდე ბოთლს აწარმოებენ ისეთი ბაზრებისთვის, როგორიცაა იაპონია, დანია და აშშ.

„საქართველო ჯერ კიდევ იმყოფება იმ პროცესში, როდესაც ადამიანები ცდილობენ, გააუმჯობესონ ვენახები, რომელიც იყო საშინელ მდგომარეობაში და ჯერ კიდევ ბევრი მწარმოებელი სრულად არ აკონტროლებს ხარისხს“, — ამბობს ღვინის ექსპერტი საიმონ ჯეი ვულფი.

სტატიის დასასრულს, ავტორი მიმართავს ქართული ღვინის ხუთი სახეობის განსაზღვრას: შირაზი, მთიულეთის ღვინო, მწვანე, რაჭა-ლეჩხუმის, საფრანგეთისა და წინანდალი.

ქეთი ჩოხელი

მომსახურების სფეროში ადამიანები ისევ ირებრებინან!!

(მეხუთე გვერდიდან)

რატომ არ იცვლება სურათი?

იმით, რომ დამსაქმებლებს არ ეშინიათ კანონის, არ ეშინიათ სახელმწიფოს. მათ იციან, ამბობს გიგა ბექაური, რომ დასაქმებულები ძალიან იშვიათად თუ წავლენ მათ წინააღმდეგ. ამას რამდენიმე მიზეზი აქვს: როგორც წესი, ასეთი დავები ძალიან დიდხანს გრძელდება, სასამართლოში დავას კი სჭირდება ფული, რომელიც ისედაც მიზერულ ხელფასზე მომუშავე დასაქმებულებს არა აქვთ. მისივე თქმით, დამსაქმებულებს წისქვილზე ასხამს წყალს ისიც, რომ სუპერმარკეტების თანამშრომლები, გაუსაძლისი პირობებისა და უპერსპექტივობის გამო, ძალიან ხშირად ტოვებენ სამსახურს და ისინი, როგორც წესი, კოლექტიურად შრომითი დავის წამოწყებას ერიდებიან. პრობლემებზეც მსოფლიო სამსახურიდან წამოსვლის შემდეგ ლაპარაკობენ.

ვიპერმარკეტებში შრომით პირობებს „ადამიანის უფლებების სწავლებისა და მონიტორინგის ცენტრიც სწავლობდა“ — ვითარების ამსახველი მასალა შარშან მათ ანგარიშშიც მოხვდა. EMC -ის იურისტი ეთო გვრიტიშვილი გვეუბნება, რომ მომსახურების სფეროში დასაქმებული ადამიანების სამუშაო პირობები არ გაუმჯობესებულია.

„კანონი დამსაქმებელს პირდაპირ ავალდებულებს, რომ თუ სამუშაო საათების რაოდენობა კვირაში კანონით დადგენილ 40 საათს აღემატება, ის ვალდებულია, დასაქმებულს ზეგანაკვეთური შრომის საფასური გადაუხადოს უფრო მაღალი ტარიფით. ასეთი შემთხვევა, სამწუხაროდ, პრაქტიკაში არ შეგვხვედრია“.

ძალიან ხშირად მაღაზიებში კონსულტანტად მისულ ადამიანებს უწევთ დამლაგებლის, დაცვის თუ სხვა თანამშრომლის ფუნქციების შეთავსება. არცთუ იშვიათია შემთხვევები, როდესაც პროდუქციის დაზიანებისა თუ დაკარგვისას, ყოველგვარი გამოკვლევის გარეშე, სწორედ კონსულტანტი ისჯება ხელფასის დაქვითვით — ასეთი „მოპარული ხელფასის“ შემთხვევები, როგორც მას უწოდებენ შრომის უფლებების დამცველები, ძალიან ხშირია.

„თარჯიმანებსაც გვიშველით“

კომპანიის ხელმძღვანელობასთან ხელფასების დაკლებების, დაგვიანებისა და, ზოგადად, ადამიანური მოპყრობის გამო პრობლემები მხოლოდ მაღაზიების თანამშრომლებს არა აქვთ. ორივე კვირის წინათ დამოუკიდებელი პროფკავშირის, „სოლიდარობის ქსელის“, ფისბუქის გვერდზე დახმარება თარჯიმანებმაც ითხოვეს. ტენდერების სფეროში მომუშავე კომპანია „თბილისის ბიზნეს სახლის“ უკვე ყოფილი თანამშრომელი თეა ლავთაძე წერდა, რომ ამ კომპანიაში მუშაობის 3 წლისა და 5 თვის განმავლობაში ორად ორჯერ ჩაერიცხა ხელფასი დროულად!

რადიო თავისუფლებას თეა უთხრა, რომ ხელფასი ხშირად ორი და სამი თვეც იგვიანებდა. კომპანიას მიზეზი არ ეუფოდა. ძირითადი ის იყო, რომ „სახელმწიფო მათ თანხას დროულად არ ურიცხავდა“:

„მერე ჩვენ ვარკვევდით, იყო თუ არა ეს თანხა გადმოიცხადებული. აღმოჩნდებოდა, რომ იყო, მაგრამ ჩვენი ხელფასი მაინც იგვიანებდა. ხან ამბობდნენ, რომ ჯარიმები ჰქონდათ გადასახადები და ა.შ. ჩვენ კი 24 საათი ვმუშაობდით. დღეც და ღამეც. ხან წერილობით თარგმანზე, ხან გამოძახებები იყო და ღამეც გვინებდა თარგმანა“.

თეა ლავთაძე კუთვნილი სახელფასო დავალიანების დაფარვას მოითხოვს. კომპანია სთავაზობს, რომ მისთვის მისაცემ 700 ლარს ორ წელზე გაუნაწილებს და თვეში, დაახლოებით, 31 ლარს მისცემს.

„დაცინავა, მეტი არაფერი“, — ამბობს თეა ლავთაძე. ის არ უარყოფს, რომ მინიმალურ ხელფასსა და სამუშაო გრაფიკზეც ყველა თავისი ნებით თანხმდებოდა, რადგან სამუშაო ადგილები ჭირს. მაგრამ, როცა იმ მინიმუმსაც აღარ გიხდიან, რაც გეკუთვნის, ბრძოლას იწყებ.

შრომა საქართველოში არ არის ღირსეული ცხოვრების წინაპირობა — ასე მიიჩნევს „სოლიდარობის ქსელიც“ — დამოუკიდებელი პროფესიული კავშირი, რომელიც ასევე იცავს დასაქმებულების შრომით უფლებებს.

2017 წელს დასაქმებულთა მდგომარეობა მათაც იკვლიეს და მაშინ გამოჩნდა, რომ მომსახურების სფერო-

ში 11 თვეზე მეტხანს მომუშავე ადამიანებიდან მხოლოდ 52 %-მა ისარგებლა შრომის კოდექსით გათვალისწინებული 24-დღიანი ანაზღაურებადი შევებულებით. 20 % კუთვნილ შევებულებაში საერთოდ არ გასულა. სუპერმარკეტებში დასაქმებულთა 90% აღნიშნავდა, რომ კანონით განსაზღვრულ 40 სთ-ზე მეტს მუშაობდა, მაგრამ მათ ზეგანაკვეთურ შრომაში არავინ არაფერს უხდოდა. სოლიდარობის ქსელის დამფუძნებელი დავით ომსარაშვილი პროტესტს ვერც 2018 წელს შედგას და ამას ამტკიცებს ის ათობით და ასობით ადამიანი, ვინც საკუთარი შრომითი უფლებების დასაცავად „სოლიდარობის ქსელს“ ხშირად მიმართავს.

საქართველოს შრომის ბაზარზე რომ ბალანსი დამსაქმებლის სასარგებლოდ არის დარღვეული, სახელმწიფო აუდიტის სამსახურის 2017 წლის ანგარიშშიც წერია. აუდიტის სამსახურმაც მომსახურების სფერო იკვლია და ზედპირზე ზუსტად იგივე პრობლემები ამოვიდა, რაც წინა კვლევებში.

- კანონმდებლობით გათვალისწინებულ პერიოდზე (3 თვე) დიდი ხნის განმავლობაში წერილობითი ხელშეკრულების გარეშე დასაქმება;
- ხელშეკრულებაში არსებითი პირობის — ანაზღაურების — გაუთვალისწინებლობა;
- შრომის ანაზღაურების დაგვიანება-გადაუხდელობა;
- კონკრეტულ პოზიციაზე განწერილი მოვალეობების არარსებობით გამოწვეული გაზრდილი სამუშაო დატვირთვა;
- ზეგანაკვეთური სამუშაოს შესრულების სისტემატური აუცილებლობა და არასათანადო ანაზღაურება;
- ანაზღაურებადი შევებულების არარსებობა;
- საქონლის დაზიანების გამო ხელფასის ჩამოჭრის პრაქტიკა და ა.შ.

აუდიტის სამსახურმა ამ ანგარიშში პირდაპირ ჩანერა, რომ შრომის ინსპექცია არ ამოწმებს დამსაქმებულების საქმიანობის შრომის უფლებებთან შესაბამისობას! არ ახორციელებს ზედამხედველობას შრომის უფლებების ისეთ მნიშვნელოვან ასპექტებზე, როგორებიცაა: ხელშეკრულება, ანაზღაურება, ზეგანაკვეთური სამუშაო დრო, ავადმყოფობის დროს იძულებითი მოცდენის ანაზღაურება, შევებულებით სარგებლობა და სხვ. და რომ „აღნიშნული უფლებების რეალიზებას არსებითი მნიშვნელობა აქვს სტაბილური და პროდუქტიული დასაქმებისთვის, რაც ეკონომიკური განვითარების ერთ-ერთი წინაპირობაა“.

თუმცა ჯერჯერობით ყველა შემოიჩამოთვლილი გამოკვლევის დასკვნა და რეკომენდაცია ქალაქდზე რჩება.

ეკა ძეგანიშვილი

გარდაიცვალა ისა, როგორც ისხოვრა

ირაკლი ციციშვილი 100 წლისაა

გუშინდელ დღესათვის მასსოვს 1952 წლის პირველი სექტემბერი, პირველი ლექცია. არქიტექტურის სპეციალობაზე ჩარიცხული ბედნიერი და ეგზალტირებული სტუდენტების წინაშე წარსდგა ახალგაზრდა ლექტორი, საკუთარ ღირსებაში და მნიშვნელობაში დარწმუნებული წარმოსადგე, ლამაზი მამაკაცი – ირაკლი ციციშვილი. მის მკერდზე გმირის ოქროს ვარსკვლავი ბრწყინავდა.

მასთან შეხვედრას მოუთმენლად ველოდით... მთელი საქართველო ამაცობდა მისით, ის ხომ 40-იანი წლების ახალგაზრდობის კერპია – ომის გმირი, ზნეობის მაგალითი. ასეთად დარჩა ბატონი ირაკლი სიცოცხლის უკანასკნელ წუთამდე.

1941 წლის 22 ივნისს ომი დაიწყო, 24-ში სადიპლომო პროექტი დაიცვა, 30 ივნისს კი, რამდენიმე თანაკურსელთან ერთად გაურკვეველი მიმართულების მატარებელში ჩასვეს. ასე უცაბედად, მოულოდნელად შემოიჭრა მის ცხოვრებაში უდიდესი განსაცდელი.

ბრძოლები კურსკის რკალზე, ლენინგრადთან, სტალინგრადთან, ჩეხეთში, უკრაინაში... უკრაინა მისი გმირობის აკვანია. აქ, მდინარე დნეპრზე, თოვლსა და ყინვაში, კანონადის ქვეშ, ოთხ დღე-ღამეში ააგო 350 მეტრი სიგრძის ხიდი პონტონებზე, გზა გაუხსნა მძიმე ტექნიკას კიევისაკენ... მისი სახელი მთელ საქართველოს აკერია პირზე. განსაკუთრებული სიამაყით იმას ყველანი, თურმე ახალგაზრდა არქიტექტორმა, მძიმე წუთებშიც არ უღალატა ინჟინრულ ტრადიციას და დადგა მის მიერ აგებული ხიდის ქვეშ, როგორც საიმედოობის გარანტი და საკუთარ თავზე გადაატარა ტანკების კოლონა. **„გაფიქრებულე ქია-ქია მარია, ბარბაროსი დაუღუნავს ციციშვილს“** – ახლაც ყურსი ჩამესმის ქალბატონ ანა კალანდაძის ხმა.

რამდენიმე წრილობით, გმირის ვარსკვლავით და ორდენებით დაურუნდა მონატრებულ სამშობლოს.

ახალ, „დამოუკიდებელ საქართველოში“ კი, მას და ათასობით სხვასაც, გული ატკინეს საყველპურო პოლიტიკანებმა. უდიდეს ტრაგედიას, მეორე მსოფლიო ომს სხვისი ომი უწოდეს და მათი თავგანწირვა საქართველოს ღალატადაც კი მონათლეს.

მოკლე ცნობა: 26 ივნისი, 300-მდე სტატიის ავტორი, ხელოვნებათმცოდნეობის დოქტორი, პროფესორი, საქართველოს საინჟინრო აკადემიის აკადემიკოსი, იტალიის ხელოვნების აკადემიის წევრი, ტექნიკური უნივერსიტეტის არქიტექტურული გეგმარების, შემდგომ, ხელოვნების თეორიისა და ისტორიის კათედრის გამგე, მინისტრი – საქართველოს სახმუნის თავმჯდომარე, გამოჩენილი პედაგოგი და საზოგადო მოღვაწე, თბილისის საპატიო მოქალაქე...

ბატონმა ირაკლიმ პირველად საბჭოთა კავშირში ჩამოაყალიბა „ისტორიის, კულტურისა და ბუნების ძეგლების დაცვის და გამოყენების მთავარი სამეცნიერო-საწარმოო სამმართველო“, რომელსაც 12 წელიწადი ხელმძღვანელობდა. ამ წლებმა ასეულობით ძეგლი გადაარჩინა განადგურებას.

ზედმინვენიტ უპრეტენზიოს არასდროს გაუხსნია ხაზი საკუთარი დამსახურებისათვის. არასდროს, არავითარ კონტექსტში არ საუბრობდა თავის დიდ წინაპრებზე, გვარის დამსახურებაზე, არ იშველიებდა მათ სახელებსა და საქმეებს „პირადი პრობლემების“ მოსაგვარებლად.

ის, ალბათ ერთადერთი თანამდებობის პირი იყო მთელ საბჭოთა კავშირში, რომლის მძლოლი შაბათ-კვირას საკუთარ ოჯახში ატარებდა. შაბათი დღე ძალიან დატვირთული იყო, 4-6 საათი ლექცია, კათედრის ყოველდღიურობა. ლექციებს შორის, შესვენებაზე მიუჯდებოდა საბეჭდ მანქანას და გულმოდგინედ ბეჭდავდა. ჩვენს შეკითხვაზე, ბატონო ირაკლი, ამას ჩვენი გოგოებიც ხომ გააკეთებენ, ერთი და იგივე პასუხს ვღებულობდით. ეს კათედრის საქმე არ არის, ჩემ სტატიას ვბეჭდავ.

ბატონი ირაკლის მთელი მცდელობა იქითკენ იყო მიმართული, რომ მისი სათაყვანებელი საქართველო, ახალგაზრდობა

ყოფილიყო საუკეთესოთა შორის საუკეთესო, რათა მისი ხალხი დროზე განთავისუფლებულიყო ზოგიერთი ცრურწმენისაგან საკუთარ განსაკუთრებულობაზე. ამისთვის ის იყენებდა ყველაფერს – აუდიტორიას, პრესას, რადიოს, ტელევიზიას, პირად ურთიერთობებს.

ყოველთვის პირდაპირ ამბობდა სათქმელს. ასე იქცეოდა მაშინაც, როდესაც მთელ საბჭოეთს პირში წყალი ჰქონდა დაგუბებული. მაგონდება ერთი ეპიზოდი: 60-იან წლებში პარტიამ დაუნდობელი ბრძოლა გამოუცხადა ვინრო შარვლებს და მოკლე კაბებს. ბატონი ირაკლი ტელევიზიაში მიიწვიეს, რამდენიმე „მოთელვითი“ კითხვის შემდეგ, წამყვანმა „სხვათა შორის“ ჰკითხა – რა აზრის ბრძანდებით მოკლე კაბებზე და ვინრო შარვლებზე? **„დაანებეთ თავი მოკლე კაბებს და ვინრო შარვლებს, ებრძოლეთ ვინრო აზრებს და მოკლე ქუასო“** – გაისმა პასუხად. ეკრანი უცებ გაშავდა, მთელ ქალაქში გამოირთო შუქი.

საქართველოს ტექნიკური უნივერსიტეტის არქიტექტურული სკოლის თითქმის ასწლიანი ისტორიის ნახევარი ბატონი ირაკლის ცხოვრების ისტორიაა. მისი ხელმძღვანელობით არქიტექტურის კათედრა ფაკულტეტად გარდაიქმნა, მოგვიანებით – ინსტიტუტად. ეს იყო არა ფირნიშის შეცვლა, არამედ,



ირაკლი ციციშვილი, მასთან და ვიქტორია

თვისობრივი ცვლილებების და განვითარების შედეგი. ბატონი ირაკლი ამ სკოლის არა მხოლოდ მაღალი სამეცნიერო და პედაგოგიური დონის განმსაზღვრელი იყო, არამედ მთელი კოლექტივის მოქალაქეობრივი სინდისის, ზნეობის გარანტიც!

არისტოკრატი იყო გვარიშვილობით, გენეტიკით, არსით, სულიერი წყობით. სხვანაირად არც შეიძლება. უყურებ ბატონი ირაკლის მამის, ნიკოლოზის და მასთან ერთ რიგში მდგომ ხუთი ძმის – ივანეს, დიმიტრის, პავლეს, ალექსანდრეს და გიორგის ფოტოს – ეს საოცრებაა! – ახოვნები, ლამაზები, ვაჟკაცურები, მათგან ერთი პოლკოვნიკის, ხოლო მეორე გენერლის ჩინით. არ იკითხავთ ნათესავთა წრეს – ბეგთაბეგეშვილები, ფავლენიშვილები, ვაჩნაძეები, ფალავანდიშვილები, თარხან-მოურავები, მხარგრძელები... ისტორია, წარსული, გვარიშვილობა, რამდენადაც საამაყო, იმდენად ტრაგიკული აღმოჩნდა. ბოლშევიკური დახვრეტები, გადასახლებები, მუდმივი შიში გახდა ამ წარმოჩინებული ოჯახის თანმდევი.

მოკლედ პირადულზეც. ამაყი ვარ, რომ ბატონი ირაკლის გვერდით ვიყავი თითქმის ორმოცი წელიწადი. მეამაყებდა ის, რომ წლების მანძილზე ხელმძღვანელობდი იმ კათედრას (მიმართულებას), რომელსაც მან ორმოცი წელი შეაღია და სადაც



აღიზარდა ქართველ არქიტექტორთა მთელი თაობები. მაღლობელი ვარ იმ კეთილგანწყობილებისთვის, რომელსაც ის იწინადა გამოუცდელი, პროვინციელი ყმაწვილის მიმართ, როდესაც ის პირველ ნაბიჯებს დგამდა ცხოვრებაში. ბატონი ირაკლი რომ არა, შესაძლოა, ჩემი ცხოვრება სულ სხვა მიმართულებით წასულიყო.

აქვე მინდა, „გავამხილო“ იმ საუბრის შესახებ, რომელიც მხოლოდ ჩემმა უახლესმა მეგობრებმა იცნან. სხვა დრო მეც არ მრჩება, ოთხმოცდაათისა ვარ.

1992 წელი. ბატონმა ირაკლიმ მიხმო: – ვახტანგ, გადამწყვეტილია, არქიტექტურული გეგმარების კათედრიდან ცალკე გავიდეს ქალაქგეგმარების კათედრა. არქიტექტურული გეგმარების კათედრას შენ უნდა უხელმძღვანელო.

– როგორ ბატონო ირაკლი, ფაკულტეტზე სამი არქიტექტურის დოქტორია და ათამდე მეცნიერების კანდიდატი, მე საკანდიდატოც არ დამიკავს.

– არა! არქიტექტურული გეგმარების კათედრის ხელმძღვანელი პრაქტიკოსი არქიტექტორი უნდა იყოს! ეს არა თუ თხოვნა, არამედ მოთხოვნა იყო. ეს იყო და ეს. არჩევნებმა მშვიდობიანად ჩაიარა.

23 წელი ხელმძღვანელობდი არქიტექტურული გეგმარების კათედრას. 15 წელი, როგორც „კათედრის გამგე“, ხოლო, „ბოლონის პროცესის“ მოთხოვნის გამო, 8 წელი, როგორც „მიმართულების ხელმძღვანელი“. ზედმეტი მოკრძალებს გარეშე ვიტყვი, გვექონდა მნიშვნელოვანი წარმატებები საერთაშორისო პროცესებში ინტეგრაციის და ამ ასპარეზზე, ჩვენი არქიტექტურული სკოლის ცნობადობის თვალსაზრისით, რაც ჩვენი სტუდენტების მიერ ათეულობით საერთაშორისო და რეგიონალურ კონკურსში გამარჯვებებმა განაპირობეს.

ჩემს მოღვაწეობაში მუდამ თან მსდევდა პასუხისმგებლობა ბატონი ირაკლის მიმართ.

უკანასკნელი 24 საათი

2001 წ. 3 მაისი, დღის 4 საათი. სტუ-ს არქიტექტურის ინსტიტუტის ხელოვნების ისტორიისა და თეორიის კათედრის გაფართოებული სხდომა. მიმდინარეობს სადოქტორო დისერტაციის აპრობაცია. სხდომას უძღვება ბ-ნი ირაკლი. იგი მისთვის უჩვეულოდ გრძლად საუბრობს. ფრაგმენტულად. ყველა სხვადასხვა ამბებს, რომელსაც არაფერი აქვს საერთო დისერტაციასთან. ისხენებს, როგორც შორეული, ისე ახლო წარსულის, საკმაოდ დელიკატურ ამბებს, ადამიანებს, შეუღამაზებლად, გახსნილად, ეს მისი ბიოგრაფიის ნაწილია. დარბაზი სულგანაბრული უსმენს. რატომ „გაუშვილა“ ყოველივე აუდიტორიას? ხომ არ ჰქონდა წინათგანწმობა იმისა, თუ ახლა არ იტყოდა, საერთოდ სამუდამოდ უთქმელი დარჩებოდა? ახლა ცხადია, ეს აღსარება იყო, ნამდვილი აღსარება, განგებამ უკარნახა.

2001 წ. 4 მაისი. დილიდან ლექცია, კათედრის საქმეები. 2 საათზე მობრძანდა ურბანიზაციისა და მშენებლობის სამინისტროს და საინჟინრო აკადემიის არქიტექტურისა და მშენებლობის განყოფილების გაერთიანებულ საბჭოს სხდომაზე. იყო ჩვეულებრივზე უფრო ხალისიანი და მომხიბლავი, საზეიმოდ ჩატყული. სარიტუალო ელფერი დაჰკრავდა. სიტყვით გამოვიდა. თავმჯდომარეს დაეთხოვა და გავიდა. მინისტრმა, მერაბ ჩხენკელმა, მძლოლი დაანია (თვითონ ხომ არასდროს არაფერს არ ითხოვდა).

დღის 4 საათზე აუყვა მოსწავლე-ახალგაზრდობის სასახლის კიბეს, ომის ვეტერანებთან შეხვედრაზე მიეჩქარებოდა. წამით შეჩერდა, ჩაიშლდა და... გათავდა...

ასეთი იყო 83 წლის ირაკლი ციციშვილის ცხოვრების უკანასკნელი 24 საათი. გარდაიცვალა ისე, როგორც იცხოვრა, – მოძრაობაში, ფიქრში, მოქალაქეობრივი ვალის მოხდის დროს, თითქოს, ლამაზად სიკვდილისთვის გამოვიდა იმ დილით სახლიდან...

ამდენი წუხილის მნახველ საქართველოს, თითქოს, დაუბლაგვდა ტკივილის განცდა. მაგრამ ბატონი ირაკლი აქაც გამოჩნდა ისი აღმოჩნდა – იგი გულწრფელად დაიტირეს მეგობრებმა, კოლეგებმა, ახალგაზრდობამ, მთელმა საქართველომ.

ვახტანგ დავითაია.
XI.2018 წ.



პიპები: პიპი ციციშვილები – ივანე, ნიკოლოზი, დიმიტრი, პავლე, ალექსანდრე და გიორგი (ი. ციციშვილის მამა, ნიკოლოზი დგას მარცხნიდან მეორე)

ორი რუსეთის მსაპყსად კუბინის ორია?!



2014 წელს, სოჭის ოლიმპიადის პარალელურად, ვლადიმერ პუტინი საქართველოს დაუტყდა და გიორგი მარგველაშვილთან შეხვედრის შესაძლებლობა არ გამოიცხა, თუმცა შეხვედრა არ შემდგარა. იმ პერიოდში აზრთა სხვადასხვაობა იყო იმასთან დაკავშირებით, უნდა წასულიყვნენ თუ არა ქართველი სპორტსმენები ოკუპანტი რუსეთის მიერ მოწყობილ სოჭის ოლიმპიადაზე. თუმცა მას შემდეგ, რაც ქართველი სპორტსმენები ოლიმპიადაზე მონაწილეობას დათანხმდნენ, პუტინის გულიც ჩვენი მისამართით „ბაი-ლი“.

ეს წლების წინათ ხდებოდა, ახლა კი სალომე ზურაბიშვილის გაპრეზიდენტებისთანავე რუსეთი საქართველოსთან ახალი ურთიერთობების შესაძლებლობაზე ალაპარაკდა. ზურაბიშვილის გამარჯვების შემდეგ დიალოგის იმედი გამოთქვა კონსტანტინე კოსაჩოვმა, რუსეთის ფედერაციის საბჭოს საგარეო საქმეთა კომიტეტის თავმჯდომარემ. ამ მოლაპარაკების ირგვლივ უფრო თამამ განცხადებებს აკეთებდნენ რუსი ექსპერტები.

თუმცა, სანამ რუსეთი ასე იქცევა საოკუპაციო ხაზზე, სანამ ყოველდღიურად იტაცებენ ადამიანებს და სანამ ეს ხაზი ინაცვლებს ჩვენი ტერიტორიის

სიღრმეში, უფრო და უფრო ახლოს თბილისთან, სალომე ზურაბიშვილი არ ფიქრობს, რომ რუსეთთან თანამშრომლობის ფაზაში გადასვლა შეგვიძლია. „ეს შესაძლოა, სხვა ვლადიმერ პუტინი იყო, ვიდრე ახლა, რადგან მაშინ რუსეთი დათანხმდა საქართველოს ტერიტორიიდან ბაზების გაყვანას“, — ასეთი შთაბეჭდილება დარჩა სალომე ზურაბიშვილს წლების წინათ ვლადიმერ პუტინთან ურთიერთობის თაობაზე. დღეს როგორია ვლადიმერ პუტინი და, ორი რუსეთის მსგავსად, არსებობს თუ არა ორი პუტინი?!

თბილისის საკრებულოს ყოფილი დეპუტატი სოსო მანჯავიძე For.ge-სთან საუბარში აცხადებს, რომ ოკუპირებულია, მაგალითად, კურილის კუნძულები, კარელია, დნესტრისპირეთი, თავის დროზე აშშ-მა მოახდინა მექსიკის ნახევრის ოკუპაცია, ინგლის-არგენტინის დაპირისპირებაზე ლაპარაკიც ზემოთაა. უფრო მეტიც, მეორე მსოფლიო ომის შედეგად რუსეთს კენიგსბერგი აქვს ოკუპირებული. ამდენად, მოლაპარაკებები ოკუპანტთან არ ნიშნავს, რომ შენ ცნო ოკუპაციის შედეგები. უბრალოდ, მოლაპარაკებები, პოლიტიკური ვაჭრობა და ინტერესთა დალაგება აუცილებელია, რათა შენ რუსეთს პოზიციების დათმობა აიძულო.

„რამდენად სერიოზული და ღირსეულია ასეთი პოზიცია, რომ ჩვენ არ მოვილაპარაკებო რუსებთან, თუკი ჩვენი დასავლელი პარტნიორები არ გავიშვებენ მოსალაპარაკებლად. ეს ნიშნავს, რომ შენ წინასწარვე იყენებ საკუთარ თავს პატარა ბავშვის პოზიციაში. თუ ვერ მოვლაპარაკებო რუსეთს, ვერ მოვლაპარაკებო, მერე რა. რა სიტუაციაშიც ახლა ვართ, ეს უფრო სასაცილო

არ არის? გვაქვს უვიზო რეჟიმი რუსეთთან, მაგრამ ჩვენს მოქალაქეებს ვიზის ასაღებად უამრავი პროცედურის გავლა სჭირდება. ამ დროს კი რუსი ტურისტები ჩამოდიან და რატომღაც ვაცხადებთ, რომ ვართ საომარ მდგომარეობაში. ასევე, ლამის თავისუფალი ვაჭრობა გვაქვს რუსეთთან, მაშინ რანაირ საომარ მდგომარეობაში ვიმყოფებით? მოლაპარაკებებს რატომ არ ვიწყებთ, თუკი ვვაჭრობთ რუსეთთან? ცხადია, დასავლელ პარტნიორებთან უნდა გვეკონდეს კონსულტაციები, რადგან მსოფლიოში პოლიტიკური ვითარება რადიკალურად შეცვლილია. თურქეთი აღარ არის ამერიკის ყურმობატილი ქვეყანა, აღარ არის თურქეთ-რუსეთის დაპირისპირება და მათ შორის მჭიდრო ურთიერთობაა თუნდაც იმავე სირიაში. ეკონომიკურ ურთიერთობებზე აღარაფერს ვამბობ“, — აცხადებს სოსო მანჯავიძე.

მისივე თქმით, სიტუაციას ართულებს ისიც, რომ შეიქმნა უპრეცედენტო რუსულ-ირანულ-თურქული ალიანსი, ანუ ერთი ზესახელმწიფო და ორი რეგიონალური სახელმწიფო საერთო ინტერესებზე ამახვილებენ ყურადღებას. ეს სამივენი კი ჩვენი უახლოესი მეზობლები არიან. გეოპოლიტიკური ვითარების ცვლილება მსოფლიოში განუწყვეტლივ ხდება და ჩვენი რეგიონსაც ყოველწუთში შეიძლება იგივე დაემართოს.

„როგორ გგონიათ, ასეთი სამხედრო პოლიტიკური ბალანსის დროს ჩვენ იმის იმედს უნდა გვეკონდეს, რომ დასავლელი პარტნიორები რამით დაგვეხმარებიან? რითი უნდა დაგვეხმარონ, როცა სამხედრო ბალანსი 100%-ით ჩვენი მეზობელი ამ სამი სახელმწიფოს სასარგებლოდაა? განსაკუთრებით, აქ რუსეთს ვგულისხმობ. ამიტომ რუსეთთან მო-

ლაპარაკება პრორუსულობას არ ნიშნავს. ეს ისეთივე აბსურდია, როგორც უამრავი აბსურდული თემა, რომელიც დანერგილია ჩვენს საზოგადოებაში“, — აღნიშნა სოსო მანჯავიძემ.

ანალიტიკოსი დავით ზარდიაშვილი ჩვენთან საუბარში აცხადებს, რომ სალომე ზურაბიშვილის საწყისი პოზიცია საკვებით ლოგიკური და რაციონალურია. ისეთ ვითარებაში, როგორც რუსეთი იქცევა, არავითარი პერსპექტივა მოლაპარაკებების დაწყებას არ აქვს, მაგრამ ეს არ ნიშნავს, არ ვიმოქმედოთ. არსებობს შენევის პროცესი, არის კარასინ-აბაშიძის ფორმატი, რათა იმავე მდგომარეობაში არ მივიდეთ, რაც იყო აგვისტოს ომის დაპირისპირებისას.

„დღეს არც ომი გვაქვს, არც მშვიდობა, ჩვენ არ ვართ საკუთარ თავზე დამოკიდებულნი, რადგან ამ პროცესის ომად გადაქცევა ჩვენ არ შეგვიძლია, ჩვენ არ გვაქვს ძალა, ვეომოთ რუსეთს და არც ის შეგვიძლია, საერთაშორისო თანამეგობრობის გამოყენებით რუსეთი ვაიძულოთ მშვიდობისთვის. მსოფლიოში ვითარება ჩვენზე არ არის დამოკიდებული, ამიტომაც ლოგიკური იყო სალომე ზურაბიშვილის საწყისი პოზიცია. მას არ გამოუჩინებია რუსეთთან ურთიერთობა, ოღონდ არ შეიძლება მართლნი დაგვჩვენო რუსეთის პირისპირ. სამართლებრივადაც რომ შევხედოთ ამ ფაქტს, ჩვენ სამშვიდობო ხელშეკრულება რუსეთთან არ გვაქვს აგვისტოს ომის მერე. ეს არ ნიშნავს, რომ მდგომარეობაში ვართ, რადგან არც იმის რესურსი გვაქვს, ვიომოთ“, — აცხადებს დავით ზარდიაშვილი და შეკითხვის საპასუხოდ, ხომ არ მოიჭრა სალომე თავისი გზა რუსეთთან სასაუბროდ (რადგან რუსეთისგან უკვე ნამოვიდა მესიჯი, რომ სა-



ქართველოს ახლადარჩეულმა პრეზიდენტმა უარი თქვა რუსეთთან მოლაპარაკებაზე, ზარდიაშვილმა განმარტა, რომ ზურაბიშვილს არავითარი გზა არ მოუჭრია. მან ობიექტურად შეაფასა ვითარება, რომ ასეთ ვითარებაში რუსეთთან ლაპარაკს აზრი არ აქვს.

დავით ზარდიაშვილს ისიც აინტერესებს, რაზე უნდა ელაპარაკოს ახლად არჩეული პრეზიდენტი პუტინს? საოკუპაციო ხაზის გადმონევა, ადამიანების მუდმივად მოტაცება, აგრესიული დამოკიდებულება საქართველოს მიმართ და, ყველაზე მთავარი, საქართველოს ორი რეგიონის აღიარება სახელმწიფოებად, ეს ხომ ფაქტობრივად ანექსიაა რუსეთის მხრიდან?

ასეთ ვითარებაში ერთადერთი იმაზე შეიძლება ლაპარაკი, რომ ეს სიტუაცია არ მივიდეს მწვავე კრიზისამდე, არ გადავიდეს ცხელი ომის ფაზაში, რაც დამლუპველი იქნება საქართველოსთვის. ასე რომ, სერიოზული პოლიტიკური მოლაპარაკებების დრო ამჟამად არ არის. ეს არ ნიშნავს, რომ, საბოლოო ჯამში, რუსეთთან მოლაპარაკებაზე სალომე ზურაბიშვილი უარს აცხადებს. ეს ყველაფერი რუსეთზეა დამოკიდებული და არა — ჩვენზე.

მანანა ნოზაძე

მაქსიმ შვიპინაძე: არის მსდელობა, რომ საქართველოს მეშვეობით მთლიანად კავკასიას სუსხლი მოუკიდონ!..

რუსეთის რადიოსადგურ „Эхо Москвы“-ის პროგრამა „Особое мнение“-ს სტუდიაში საუბრობენ გადაცემის წამყვანი მაშა მაიერსი და ჟურნალისტი მაქსიმ შვიპინაძე. საუბრის თემები: უკრაინა-რუსეთის ურთიერთობა, საქართველო და ა.შ. საინფორმაციო პორტალი region.ge გთავაზობთ ამონარიდებს საუბრიდან:



მაქსიმ შვიპინაძე: უკრაინისა და რუსეთის დაპირისპირების პარალელურად არსებობს მეორე ფრონტის გახსნის საფრთხეც კავკასიასა და საქართველოში. ეს სრულიად აშკარაა.

მაქსიმ შვიპინაძე: აგვისტოს, რას გულისხმობთ.

მაქსიმ შვიპინაძე: საქმე იმაშია, რომ გრიგოლ ვაშაძემ საპრეზიდენტო არჩევნები წააგო. მის ირგვლივ ბევრი წვრილ-წვრილი პარტიცია თავმოყრილი. საერთო ჯამში, მოსახლეობა მხარს არ უჭერდა არც სალომე ზურაბიშვილს და არც გრიგოლ ვაშაძის მომხრე ძალებს. ამომრჩევლებს სიმეტრიული პოზიცია ჰქონდათ. ბიძინა ივანიშვილსაც საკმაოდ სერიოზული პრობლემები ექმნება — გრიგოლ ვაშაძე და სააკაშვილები მარტის თვეში ვადამდელი საპარლამენტო

არჩევნების ჩატარებას ითხოვენ. მათ აქვთ საკმაო საფუძველი იმისა, რომ სერიოზული კოალიცია შექმნან. პატარა პარტიები და პლუს ამერიკელების მხარდაცხრა. რისთვისაა ეს ყველაფერი საჭირო? ტყუილად კი არ გამოჩნდა თბილისში უკრაინელი სემიონ სემენჩენკო თავისი რაზმელებით, რომლებიც ამ დღეებში დააკავეს. (...) ჰოდა, ეს არის მცდელობა იმისა, რომ კავკასიას, საქართველოს მეშვეობით, ცეცხლი მოუკიდონ. მე მგონია, რომ მოსკოვს არავითარი სცენარი არ აქვს, როგორ შეაჩეროს ეს პროცესები და მას რა დაუპირისპიროს.

მაქსიმ შვიპინაძე: მოიცა, ხომ პრეზიდენტის არჩევნები ჩატარდა, თქვენ კი საპარლამენტოზე ლაპარაკობთ...

მაქსიმ შვიპინაძე: საქმე იმაშია, რომ საქართველოში პრეზიდენტი ფორმალურად არანაირ ხელისუფლებას არ ფლობს. ძალაუფლება აქვთ პარლამენტს და პრემიერ-მინისტრს.

მაქსიმ შვიპინაძე: საქართველოსთვის ცეცხლის წაკიდების მცდელობა... ეს როგორ?

მაქსიმ შვიპინაძე: მთლიანად კავკასიისათვის...

მაქსიმ შვიპინაძე: აჰა, მთლიანად კავკასიისათვის... და რა უნდა გააკეთოს რუსეთმა ასეთ სიტუაციაში, როგორ ფიქრობთ? აქვს მოსკოვს რეალური ბერკეტები?

მაქსიმ შვიპინაძე: მე მიძნელებდა რაიმე რჩევის მიცემა. ასეთ დროს თვითონ ქართველებს აზრიც უნდა ვიცოდეთ.

მაქსიმ შვიპინაძე: თქვენ იყავით საქართველოში?

მაქსიმ შვიპინაძე: უბრალოდ, ყურადღებით ვადევნებ თვალს სიტუაციას. მე ვფიქრობ, რომ საქართველო კავკასიის გასაღებია. იცით, რა არის საინტერესო? ამას წინათ 1921 წლის ომის ისტორია გადავიკითხე, როცა წითელმა არმიამ საქართველო მძიმე ბრძოლების შემდეგ დაიკავა. ომის დაწყების წინა ხანებში სერგო ორჯონიკიძე წერილს სწერს ვლადიმერ ლენინს და იოსებ სტალინს, რომელშიც აღნიშნავს, რომ „საქართველო საკვანძო როლს ასრულებს როგორც ჩრდილო კავკასიის, ასევე აზერბაიჯანისა და სომხეთის მიმართ... ორჯონიკიძე ლენინს პირდაპირ ეუბნება: „საქართველო უნდა დავიკავოთ, თორემ კავკასიას მალე მთლიანად დავკარგავთ“. ვლადიმერ ლენინს კი ქართველ სოციალ-დემოკრატებთან (ანუ მენშევიკებთან) მოლაპარაკება სურდა.

მაქსიმ შვიპინაძე: რა შანსები არსებობს? არის პრორუსული რიტორიკა საქართველოში?

მაქსიმ შვიპინაძე: არა, პრორუსული რიტორიკა საქართველოში შეუძლებელია. არცერთ პოლიტიკოსს, რომელიც ღიად გამოვა რუსეთთან დიალოგისთვის, არანაირი პერსპექტივა და შანსები არ აქვს.

მაქსიმ შვიპინაძე: აბა, მაშ რა უნდა გაკეთდეს?

მაქსიმ შვიპინაძე: საჭიროა, გავიგოთ უძველესი მართლმადიდებელი ქართველი ხალხის სული და მას მხარი დავუჭიროთ.

მაქსიმ შვიპინაძე: პატივისცემით მოვექცეთ...

მაქსიმ შვიპინაძე: რა თქმა უნდა, მაგრამ ჩვენებს ამის გაკეთება, სამწუხაროდ, არ შეუძლიათ.

მაქსიმ შვიპინაძე: წყარო: region.ge

დრო დაივიწყე, შენ საქართველოში ხარ!

მოსკოვის შებენიერი პასუხისმგებლობის საზოგადოება - საკომუნიკაციო სააგენტო „პარტნიორ პლუსმა“ (გენერალური დირექტორი, მთავარი რედაქტორი და ავტორი **მლენა სემრისკოვა**) გამოსცა ჟურნალი „**Наши Лица**“-ს („ჩვენი სახეები“) ახალი კრებული, რომელიც მკითხველს სიყვარულით, კეთილგანწყობით, მართლად მოუთხრობს საქართველოს დღევანდელ მდგომარეობაზე. დღეს, როდესაც დამთავრებულია მუშაობა ამ უჩვეულო გამოცემაზე და თქვენ, ძვირფასო მკითხველო, ხელთ გაქვთ ჩვენი ჟურნალი, ცოტა არ იყოს მზურს თქვენი, თქვენ მოგიწევთ საქართველოსთან შეხვედრა - წერს პირველივე სტატიის ავტორი მლენა სემრისკოვა.

გამოცემას ლაიტმოტივად გასდევს საუბარი. ორი ხალხის - ქართველებისა და ინგუშების უნიკალურ ურთიერთობაზე. მიუხედავად განსხვავებული რელიგიური რწმენისა - ქრისტიანობისა და მუსლიმანობისა, ისინი ძმები არიან, - ასეთია დასკვნა.

კრებული იწყება გამოჩენილი ინგუში მწერლისა და საზოგადო მოღვაწის **ისა კოდოვის** წარმოდგენით: „ვინც საქართველოს შეიყვარებს, ბედნიერებას ჰპოვებს“. ბატონი ისა ავტორია ინგუშურ ენაზე დაწერილი დიდი ისტორიული რომან-ეპოპეისა „ინგუშები“, რომლის მე-7 ტომი ეძღვნება საქართველოს ისტორიის ერთ-ერთ გამორჩეულ ფურცელს - სპარსელ დამპყრობთა წინააღმდეგ ბრძოლას. ერთ-ერთი მონაკვეთი ორი ხალხის მეგობრობისა და ინგუშთა XVII საუკუნეში, როცა ქართველი მეფის თეიმურაზის მეთაურობით ინგუშთა რაზმები დამპყრობთა წინააღმდეგ იბრძოდნენ ერთ-ერთი ვერსიით ითვლება, რომ ჩვენ ქართველი დედები გვყავდა, ძველ დროში ინგუშები ამბობდნენ, რომ ქართველი ქალი დედის იდეალია“. ეს ამონარიდები ისა კოდოვის ეკუთვნის, რომლებშიც კარგად ჩანს ამ დიდი ჰუმანისტის სულიერ კეთილშობილად.

„კავკასიური მენტალიტეტი“ - ასე ჰქვია საქართველოს მეცნიერებათა ეროვნული აკადემიის პრეზიდენტის **გიორგი კვეციანი**ს ინტერვიუს. „კავკასიური მენტალიტეტი არსებობს უფლებდა აქვს, - აღნიშნავს ბატონი გიორგი, როცა კავკასიის ერთ-ერთ უნივერსალურ ალნიშნავს, - ეს მისი მრავალეროვნულობაა. იგი დარწმუნებულია, რომ სწორედ ეს მხარე იყო მამოძრავებელი ძალა რეგიონის საგარეო განვითარებისა. ამასთან ერთად განსაკუთრებული სიბოთი გამოჰყოფს სწორედ ინგუშ ხალხს.

პირველი ქართული უნივერსალური ენციკლოპედიის ერთ-ერთი შემქმნელმა, აგრეთვე „ქართლის ცხოვრების“ გამომცემელმა ქართულ და რუსულ ენებზე, საქართველოს მეცნიერებათა ეროვნულ აკადემიის ვიცე-პრეზიდენტმა **როინ მტრეველი**მ დაამატებდა ინტელიგენტურობით, კეთილშობილდობითა და გადმოცემის სიკვადით. მასთან განვიხილეთ ქართული რენესანსის საუკუნე და მისი თანამემამულეების მომავალი ურთიერთობა ინგუშებთან. ინგუშებსა და ქართველებს შორის კეთილმეზობლური ურთიერთობა ოდითგან იყო, ეს და-



დასტურებული ფაქტია, მასზე ისტორიკოსები არ დავობენ - გვამცნობს რ. მეტრეველის მოსაზრებას ე. სვერიუკოვა.

პროფესორი **გივი ღამბაშიძე** კავკასიის ისტორიის, მისი ხალხების წეს-ჩვეულებათა და ტრადიციების ღრმად მცოდნე, აღიარებული მეცნიერია. მასზე სტატია „კავკასია: იმედი, რწმენა და სიყვარული“ მკითხველის ყურადღებას იქცევს. კავკასია მრავალსახოვანი, მაგრამ ერთიანია - ასეთია მთავარი დასკვნა. აქვე ვეცნობთ ინგუშეთში, მდინარე ასას ხეობაში არსებულ ტყომა-იერდის ქრისტიანულ (ქართულ) ეკლესიას, რომლის შესწავლაც ბატონი გივის დამსახურებაა.

ცნობილმა საზოგადო მოღვაწემ, პროფესორმა **მერაბ ჩუხუაძე** თავის დროზე ღიად მოუწოდა რუსეთს, ელიარებინა ვეინახების დეპორტაცია 1944 წელს გენოციდის აქტად. „ქართულ-ინგუშური: თარგმანის სირთულეები“. ასე ჰქვია მასთან საუბარს, რაც მისი მასწავლებლის

აკადემიკოს არნოლდ ჩიქობავას ბინაში გამართულა. სწორედ ამ დიდი მეცნიერის რჩევით შეუდგა ბატონი მერაბი 80-იანი წლებიდან ინგუშური ენის შესწავლას, დღეს ის ამ დარგის საყოველთაოდ აღიარებული სპეციალისტია. ინტერვიუში ის ინგუშურიდან თარგმნის სირთულეებზე საუბრობს.

ჟურნალი გვაცნობს ინგუშ მწერლებს, რომელიც ყოველმხრივ მხარს უჭერს პროექტს ინგუშური გვარების წარმოშობისა და ქართულ-ინგუშური ეტიმოლოგიური კავშირების შესწავლის თაობაზე - **გელანი ხალხსავეს**, ფილოლოგს, კავკასიის მკვლევარს, ინგუშთა ცოდნეს **მარიამ ბეჟიტაშვილს**, ინგუშთა დიდ მეგობარს, მწერალს **ზურაბ ბიჩინაგურს**, ქისტებს: სპორტსმენ **ტარიელ მუთოშვილს**, მსახიობს, მუსიკოსს, საზოგადო მოღვაწეს **ჯაბრაილ ხანგოშვილს**, პროფესორ **ზაურ გუმაშვილს**.

ჟურნალში მთის ყვავილებივით მიმონეულია უბრწყინვალესი ფოტოები და დასაბუთებული თხრობა თბილისში, ქისტებზე, პანკისის ხეობაზე, მცხეთაზე, სვანეთის გზაზე და თვით სვანეთზე - მესტიაზე, უშგულზე, „კლდის ვეფხე“ **მისიელ ხერგიაშვილს**, მისი საქმის გამგრძელებელ, ცნობილ ალმინისტ **აფი გიგანზე**, ქორა მახვს **ალექსანდრე ნიგურიაშვილს**, ბათუმზე, და ბათუმელ ქირურგ **ჯუმბერ უნგაიძეზე**.

მოულოდნელ ცნობებს გვანდის ინგუშ **მუსა ზურაბოვის** წერილი „საქართველო და ინგუშეთი: ნათესაური ურთიერთობისა და კეთილმეზობლობის ათასწლეულები“. ავტორი დემ-გენიალოგიის მეცნიერებაზე დაყრდნობით გვანდის ინფორმაციას, რომ საქართველოს მოქალაქეთა დაახლოებით 20 პროცენტი, ვისაც დემ-ის გამოკვლევა აქვს ჩატარებული, წარმოშობით ინგუში და ჩიჩენია. ეს მაღალი პროცენტი წარმოიქმნა ამ ხალხების რამდენიმე ათასწლეულის მანძილზე მჭიდრო ურთიერთობით.

დაბოლოს, კრებულის ავტორ-რე-



დაქტორი მადლობას უხდის საქართველოში მოგზაურობის დროს მათ გიდას და მეგობრებს **კობა სამხარაძეს** - „არაჩვეულებრივად კომუნიკაბელურს, ენციკლოპედიური განათლების მქონეს, ისტორიისა და მხარეთმცოდნეობის შესანიშნავ მცოდნეს, რომლის წყალობითაც არაჩვეულებრივად თბილი მოგონება დაგვრჩა საქართველოში გატარებულ კვირებზე, კობა სამხარაძესთან ჩვენს შეხვედრას და თანამშრომლობას ამ გამოცემაზე მუშაობისას, მე ღვთის საჩუქრად ვთვლი“ - ამბობს ქალბატონი ელენე სვერიუკოვა. და მოჰყავს თვით კობა სამხარაძის სიტყვები: „დავიწყე დრო, ჩემო მეგობარო, შენ საქართველოში იმყოფები!“

ჟურნალ-კრებული „ნაში ლიცა“ კარგი საჩუქარია კავკასიის ხალხთა ისტორიითა და თანამედროვეობით დაინტერესებული მკითხველისთვის, რაც მთავარია, გამოირჩევა ქართველი და ინგუში ხალხების დიდი, გულწრფელი სიყვარულით.

კიდევ უფრო კარგი საჩუქარია ამავე პროექტით გამოცემული შოთა რუსთაველის უცვლადი „ვეფხისტყაოსანი“, რომელიც ცნობილმა რუსმა პოეტმა ნიკოლაი ზაბილოცკიმ XX საუკუნის 40-იან წლებში თარგმნა.

სანდრო ალექსიძე.

საჭირო დამატება: ვაინახები კავკასიის ძირძველი მოსახლეობაა, რომელიც კავკასიის ქედის ჩრდილოეთ კალთებზე ცხოვრობს. სიტყვასიტყვით „ვეი ნახ“ ნიშნავს „ჩვენს ხალხს“, რითაც ჩვენები, ინგუშები და ქისტები თავიანთ თავს გამოყოფენ სხვა კავკასიელი მთიელებისგან.

მიუხედავად იმისა, რომ ჩვენებსა და ინგუშებს თავი ერთ ერად - ვაინახებად წარმოუდგენიათ, ერთმანეთისგან განსხვავდებიან საკუთარი სახელწოდებით: ჩვენები თავს „ნახის“ უწოდებენ, ინგუშები კი - „ლაღლის“. ქართულ წყაროებში ჩვენების წინააღმდეგ ნაჩვენებია ვაინახებად, ძურძუკებად, ღურძუკებად მოიხსენიებიან.

ვაინახების ერთი ტომი მე-19 საუკუნის დამდეგიდან გადმოსახლდა და ცხოვრობს საქართველოში კახეთის ჩრდილოეთით - პანკისის ხეობაში, ისინი ქისტებად იწოდებიან, თავს მიაკუთვნებენ ჩვენებს და არა, ინგუშებს, თუმცა ისტორიული წარმოშობით დღევანდელი მთიანი ინგუშეთის, მდინარე არმხის ხეობიდან არიან.

რედაქცია განსაკუთრებულ გულს მიახსენებს აპაქიძეს როინ მტრეველს ამ წიგნის მოწოდებისთვის.

აჭარის რესპუბლიკური ბიუჯეტის გეგმა გადამამუშავდა

აჭარის რესპუბლიკური ბიუჯეტის გეგმა 11.6%-იანი, ხოლო ნაერთი ბიუჯეტის გეგმა ასევე 12.7%-იანი გადაჭარბებით შესრულდა. აჭარის ფინანსთა და ეკონომიკის სამინისტროს ინფორმაციით, 2018 წლის იანვარ-ნოემბერში აჭარის რესპუბლიკური ბიუჯეტის გეგმა 235 მლნ 268 ათას 100 ლარი იყო, თუმცა შესრულებამ 262 მლნ 477 ათას 500 ლარი შეადგინა, ანუ გეგმა 11.6%-ით შესრულდა.

სამინისტროს ინფორმაციით, რესპუბლიკური ბიუჯეტის გადასახადების მუხლი, 11 თვის მონაცემებით, 110.6%-ით შესრულდა, სხვა შემოსავლების მუხლი 112.3%-ით, ხოლო არაფინანსური აქტივების (კლება) მუხლი 119.9%-ით.

საბიუჯეტო მონაცემები ცხადყოფს, რომ აჭარის ნაერთი ბიუჯეტის გადასახადების მუხლი 12.1%-იანი გადაჭარბებით, სხვა შემოსავლების მუხლი 13.5%-იანი, ხოლო არაფინანსური აქტივების (კლება) მუხლი 17.4%-იანი გადაჭარბებითაა შესრულებული.

რაც შეეხება თვითმმართველ და მუნიციპალურ ბიუჯეტებს მათი შესრულების მონაცემები ასე გამოი-

ყურება: ბათუმი 109.3%, ქობულეთი - 177.4%, ხელვაჩაური - 129.8%, ქედა - 84.3%, შუახევი -114.9% და სულ - 118.4%.

„მეწაფე ეკონომიკა“ მთის ქარკრტებსა და სოფლის მეურნეობისთვის

მთის საერთაშორისო დღეს, საქართველოს ეთნოგრაფიულ მუზეუმში, ევროკავშირის, შვედეთისა და ავსტრიის წარმომადგენლებმა ხელი მოაწერეს ხელშეკრულებას ევროპული პროექტის „მწვანე ეკონომიკა: მდგრადი მთის ტურიზმი და ორგანული სოფლის მეურნეობა“ დასაწყებად, რომელიც საქართველოში სამთო ტურიზმისა და ორგანული სოფლის მეურნეობის განვითარებას ისახავს მიზნად.

ერთობლივი პროექტი 4-წლიანია, 2019 წელს დაიწყება და ზემო სვანეთის, რაჭა-ლეჩხუმის, ქვემო სვანეთისა და იმერეთის განვითარებას შეუწყობს ხელს.

სამთო ტურიზმის განვითარების ხელშეწყობის მიზნით პროექტი ითვალისწინებს ადგილობრივი მიმწოდებლებისთვის ტურისტული სერვისების მიწოდე-

ბის ეროვნული ხარისხის სტანდარტებისა და კონტროლის სისტემის ჩამოყალიბებას. შემუშავებული სტანდარტების საფუძველზე სასტუმროებისა და სამთო/სამოგზაურო გიდების სერტიფიცირებას.

ორგანული სოფლის მეურნეობის განვითარების ფარგლებში პროექტი ითვალისწინებს საქართველოს ორგანული სოფლის მეურნეობის კანონმდებლობის ჰარმონიზებას ევროკავშირის ორგანულ სოფლის მეურნეობის კანონმდებლობასთან, შიდა კონტროლის სისტემის ჩამოყალიბებას, ორგანული სოფლის მეურნეობით დაკავებული ან დაინტერესებული ფერმერული კოოპერატივების გაძლიერებას.

შეთანხმება ხელს შეუწყობს ევროკავშირისა და საქართველოს მჭიდრო თანამშრომლობას ისეთ სფეროებში, როგორცაა ბიზნესისთვის სამართლებრივი გაუმჯობესება, დამატებითი შემოსავლის შექმნის შესაძლებლობა და ინოვაციური ბიზნეს მოდელების შემუშავება.

პროექტის შემუშავება მოხდა გარემოს დაცვისა და სოფლის მეურნეობის სამინისტროს, ეკონომიკის და მდგრადი განვითარების სამინისტროსა და საქართველოს ტურიზმის ეროვნულ ადმინისტრაციასთან მჭიდრო თანამშრომლობის ფარგლებში.

საღმრთო

„შავი ზღვის ბიჭები“ დანიანურად

თბილისის ოლიმპიურ სასახლეში ხელბურთულ ვაჟთა საქართველოს ჩემპიონატის მეხუთე ტურის პაექრობები გაიმართა. ქვეყნის ჩემპიონმა „შავი ზღვის ბიჭებმა“ თასის წლევედელი გათამაშების გამარჯვებული თბილისის „პეგასი“ დაამარცხა და გათამაშების ცხრილს ერთპიროვნულად ჩაუდგა სათავეში.

დაძაბულად და დრამატულად წარიმართა წინა ჩემპიონატის პრიზიორების – ქუთაისელთა და თელაველთა მატჩი. შეგახსენებთ, რომ სეზონის დასაწყისში თელავის „იმედი“ და სტუ გაერთიანდნენ. ამ მატჩებით გუნდი უფრო ძლიერი და დაბალანსებული გახდა. ჩემპიონატში მას ერთ-ერთ ფავორიტადაც მიიჩნევენ. ეს გუნდს მატჩშიც გამოჩნდა. მართალია, თავიდან თელაველები შეხვედრას 4:15-ს აგებდნენ, მაგრამ საფინალო სასტვენამდე 2 წუთით ადრე შეძლეს მატჩში გარდატეხის შეტანა და გამარჯვება, რითაც გათამაშების ცხრილში „პეგასს“ ქულებით გაუთანაბრდნენ.

ავგასი – ბათუმი 37:40, ძუთაისი – თელავი 32:35, სპორტუნი – წყალტუბო 38:29, გორი – სამტრედიო 33:29.

„ბათუმი“ – 10, „პეგასი“ – „თელავი“ – 8-8, „ქუთაისი“ – 6, „გორი“ – 4, „სპორტუნი“ – 2, სამტრედიო – 2, „წყალტუბო“ – 0 ქულა.

13 დეკემბერი. სამტრედიო – სპორტუნი, წყალტუბო – გორი, ქუთაისი – პეგასი, ბათუმი – თელავი.



ორი მარცხი სტუმრად

თბილისის ხელბურთულ ქალთა გუნდი „ოლიმპია“ საქართველო-აზერბაიჯანის ერთობლივ ჩემპიონატში მონაწილეობს. ის, ფაქტობრივად, ნაკრები, რომელშიც 15-19 წლის გოგონები თამაშობენ. ჩვენებმა ტურნირი ოქტომბერში დაიწყო და აზერბაიჯანის ჩემპიონ „აზერსუსთან“ ორი მარცხის შემდეგ შინ „იდმან აკადემიას“ 3 ქულა აართვეს, ხოლო მომდევნო ტურში სტუმრად ბაქოს „ყარაბალთან“ ორივე მატჩი დათმეს.

ყარაბალი-ოლიმპია 33:23

ოლიმპია: ჯავახია, ჩავჩიძე, ჯგერენია – 9, ქიტესაშვილი – 7, მაჭარაშვილი – 4, ე. ჩხაიძე – 2, გოგია – 1, ქ. ცინცაძე, ა. ჩხაიძე, თეთრაშვილი, ჩირგაძე, ბუალავა, დვალისვილი, ქებაძე, კორძაია.

ყარაბალი - ოლიმპია 42:18

ოლიმპია: ჯავახია, ჩავჩიძე, ქიტესაშვილი – 5, ჯგერენია – 4, დვალისვილი – 4, ა. ჩხაიძე – 3, ე. ჩხაიძე – 1, თეთრაშვილი – 1, მაჭარაშვილი, გოგია, ქ. ცინცაძე, ჩირგაძე, ბუალავა, ქებაძე, კორძაია.

სატურნირო მდგომარეობა: „აზერსუ“ – 14 (8 შეხვედრიდან) 289:170, „აზეროლი“ 12 (7) 227:138, „ყარაბალი“ 10 (8) 254:191, „იდმან აკადემიასი“ 5 (8) 200:257, „ოლიმპია“ 3 (6) 134:205, „განჯლარ ბირლი“ 0 (7) 134:287. „ოლიმპია“ 20-21 დეკემბერს თბილისში „განჯლარ ბირლის“ უმასპინძლებს.

ბივი ბავუა

ჭაღრაკი

მსოფლიო პოლონეთი დანაბრა

პოლონურ ვროცლავში გუნდის დამთავრდა მოჭადრაკეთა საერთაშორისო ფესტივალი – კრისტინა რაძიკოვსკას მემორიალი, რომელშიც მასპინძელთა ნაკრები დანარჩენ მსოფლიოს დაუპირისპირდა.

შეჯიბრების ბოლო ორი დღე რაპიდს (თითოეულ მოჭადრაკეს 15-15 წუთი ყოველ სვლაზე 10-10 წამის დამატებით) და ეთმო. მსოფლიოს ნაკრების წევრ ლელა ჯავახიშვილს 6 ტურის შემდეგ ოთხი ქულა ჰქონდა: მონიკა სოკო, ანა ვარაკოვსკა და კლაუდია კულონი დაამარცხა, იოლანტა ზავადსკას ორჯერ დაუზავდა, ხოლო კარინა შჩეპკოვსკა-ჰორაკოვსკასთან წააგო. გუნდის ოთხი ტური გათამაშდა. ჯავახიშვილმა პირველი დღის მონაგარს 2.5 ქულა შესძინა: ვარაკოვსკას და კულონს აჯობა, შჩეპკოვსკა-ჰორაკოვსკას ყაიმზე შეუთანხმდა, ხოლო სოკოსთან პარტია დათმო, საბოლოოდ კი 6.5 ქულით მეორე იყო. საუკეთესო მაჩვენებელი ჰქონდა ყაზახს უანსაია აბდუმალიკს, რომელმაც 10-დან 8 ქულა მოაგროვა.

მსოფლიოს ნაკრებმა სწრაფ ჭადრაკში მასპინძლებს 3:19 მოუგო. ხოლო საბოლოოდ დანარჩენმა მსოფლიომ სამი ტურნირის ჯამში პოლონეთის გუნდი 74:51, დაამარცხა (კლასიკური: 12.5:12.5; ბასკის სიტიმით: 30.5:19.5; რაპიდი: 31:19). ლელა ჯავახიშვილის წვლილი კი ასეთია: 3+5.5+6.5 ქულა.

თამაზ პატარაძე, სურათში: ლელა ჯავახიშვილი და კარინა შჩეპკოვსკა-ჰორაკოვსკა.



ფხვბურთი

საბა და „ლოკო“ აპროკას დაამუშავდნენ

ფხვბურთის ქართველი ქომბაგები იმედოვნებდნენ, რომ საბა კვირკველიას „ლოკომოტივი“ წარმატებით ითამაშებდა გერმანიაში და ევროპალიგაზე გადავიდოდა, მით უმეტეს, რომ უმოტივაციო „პორტუგალი“ თურქეთში „გალათასარაი“ 3:2 დაამარცხა. მოსკოველი რკინიგზელები „შალკესთან“ ვერაფერს გახდნენ – 0:1 წააგეს და ევროტურნირებზე ასპარეზობა დაასრულეს.

ჯგუფის გადამწყვეტი მატჩი გაიმართა „ენფილდზე“: „ლივერპულმა“ მოჰამედ სალაჰის ერთადერთი გოლის წყალობით აჯობა „ნაპოლის“. მასპინძლებმა დამსახურებულად მოიგეს ეს ორთაბრძოლა – მათ კიდევ რამდენჯერმე ჰქონდათ კარის აღების შანსი, მაგრამ ვერ გამოიყენეს, თუმცა, ერთი გოლიც საკმარისი აღმოჩნდა მომდევნო ეტაპზე გასასვლელად. „ნაპოლის“ მხოლოდ ორჯერ შეეძლო ბურთის გატანა, მაგრამ ვერ შეძლო. „სიკვდილის ჯგუფიდან“ პლეიოფში გავიდა „პარი სენ-ჟერმენი“ – ბელგრადში ბოლოს მაინც გატეხა „ცრვენა ზვეზდა“. თავი გამოიჩინეს ედინსონ კავანიმ, ნეიმარმა, მარკინიოსმა და კილიან მბაპემ.

„ტოტენჰემი“ თითქმის მთელი შეხვედრის განმავლობაში აგებდა „ბარსელონასთან“ ვესლით შეხვედრას, მაგრამ თამაშის დასრულებამდე 5 წუთით ადრე ლუკას მოურამ „ინტერი“ ჯგუფში ჩატოვა, რადგან ამ უკანასკნელმა შინ პსეს ვერ აჯობა.

A ჯგუფი

ბრიუგე-ატლეტიკო 0:0 ბრიუგე (3-5-1-1): ჰორვატი – პულენი, მეჩელი, დენსვილი – ვორმერი, ამრაბატი, ნაკამბა, ვანაკენი (90+1. რიტსი), ნგონგე (69. პერესი) – ოპენდა (74. შრივერსი) – ვესლი. ატლეტიკო (4-4-2): ობლაკი – არიასი, გოდინი, მონტერო რუბიო, საულ ნიგესი – ლემარი (61. კორეა), როდრიგო, პარტი (69. კალინიჩი), კოკე – გრიზმანი, მარტინო (60. ვიტოლო).

მონაკო-დორტმუნდი 0:2 გოლები: 0:1 რაფაელ გერერიო (15), 0:2 რაფაელ გერერიო (88) მონაკო (4-4-1-1): ბენალიო – ბიანკონე (78. სერანო), გლიკი, ბადიაშილი, რაჯი – ჰენრიხსი, ტილემანსი, აიტ ბენასერი, მასენგო (69. ტურამ-ულიენი) – დიოპი – ფალკაო (64. სილა).

დორტმუნდი (4-2-3-1): ჰიტცი – ჰაკიმი, თოფრაქი, დი-ალო, შმელცერი – ვაიგლი, დაუდი (76. ვოლფი) – პულიშიჩი, გიოტცი, რაფაელ გერერიო (90+2. გომესი) – ფილიპი (79. პაკო ალკასერი). „დორტმუნდი“, „ატლეტიკო“ –13-13, „ბრიუგე“ – 6, „მონაკო“ – 1 ქულა.

B ჯგუფი

ბარსელონა-ტოტენჰემი 1:1 გოლები: 1:0 დემბელე (7), 1:1 ლუკას მოურა (85) ბარსელონა (4-3-3): სილესენი – სემედო, ლენგლე, ვერმალენი, მირანდა – არტური, ალენია, რაკიტჩი (46. ბუსკეტსი) – დემბელე (77. დ. სუარესი), ელ-ჰადადი (63. მესი), ფილიპე კოლუჩინი. ტოტენჰემი (4-2-3-1): ლორისი – უოკერ-პეტერსი (61. ლამელა), ალდერვერედლი, ვერტონგენი, როუზი – სისოკო, ვინქსი (83. ლორენტე) – ერაქსენი, ალი, ჰუნ-მინ სონი (71. ლუკას მოურა) – კეინი.

ინტარი-აინვოლფენი 1:1 გოლები: 0:1 ლოსანო (13), 1:1 იკარდი (73). ინტერი (4-5-1): ჰამდანიოვიჩი – დამბროზიო, დე ვრი, შკრინიარი, ასამოა (69. მარტინესი) – პოლიტანო (83. ვრსალკო), კანდრევა (56. ბ. კეიტა), ბროზოვიჩი, ბროზა ვალერო, პერიშიჩი – იკარდი. ეინვოლფენი (4-3-3): ზოუტი – დუმფრისი, სეინსბერი, ვიერგევერი, ანხელინო – ჰენდრიქსი, გუტიერესი (65. სადილეკი), როსარიო – ბერგვინი (71. მალენი), ლ. დე იონგი, ლოსანო (90+5. პერეირო). „ბარსელონა“ – 14, „ტოტენჰემი“, „ინტერი“ – 8-8, „ეინვოლფენი“ – 2 ქულა.

C ჯგუფი

ლივერპული – ნაპოლი 1:0 გოლი: 1:0 სალაჰი (34) ლივერპული (4-3-3): ალისონი – ალექსანდერ-არნოლდი (90. ლოკერნი), მატისი, ვან დიიკი, რობერტსონი – ვინალდუმი, ჰენდერსონი, მილნერი (85. ფაბინიო) – სალაჰი, რობერტო ფირმინო (79. ნ. კეიტა), მანე. ნაპოლი (4-3-3): ოსპინა – მაქსიმოვიჩი, რაულ ალბიო-

ლი, კულიბალი, მარიო რუი (70. გულამი) – ალანი, ჰამშიკი, რუისი (62. ზელინსკი) – ხოსე კალიესონი, მერტენსი (67. მილიკი), ინსინიე.

ცრვენა ზვეზდა – ჰსუ 1:4 გოლები: 0:1 კავანი (10), 0:2 ნეიმარი (40), 1:2 გობელინი (56), 1:3 მარკინიოსი (74), 1:4 მბაპე (90+2) ცრვენა ზვეზდა (4-2-3-1): ბორიანი – სტოიკოვიჩი, გობელინი, დეგენეკი, როდრიგო – იოვანჩიჩი, კაუსიჩი – ელ ფარდუ, მარინი (86. იოველიჩი), სიმინი (72. ებსილიო) – პაეკოვი (72. ბოაკი). ჰსუ (4-2-3-1): ბუფონი – კერერი, ტიაგო სილვა, კიმპემბე, ბერნატი – ვერატი (83. რაბიო), მარკინიოსი – მბაპე, ნეიმარი, დი მარია (88. დრაქსლერი) – კავანი. ჰსუ – 11, „ლივერპული“, „ნაპოლი“ – 9-9, „ცრვენა ზვეზდა“ – 4 ქულა.

D ჯგუფი

შალკე-ლოკომოტივი 1:0 გოლი: 1:0 შიოპუი (90+1) შალკე (4-1-3-2): ფერმანი – გოლერი (59. ჰარიტი), ნალდო, ნასტასიჩი, მენდილი (16. ბაბა) – სტამპული – შიოპუი, სერდარი, მასკარელი – ტოიხერტი (72. კუტუკუ), კონოპლიანკა. ლოკომოტივი (4-4-2): გილერმე – იგნატიევი, კვირკველია, შიოვედსი, რიბუსი – ბარინოვი, კრისოვიაკი, დენისოვი, ალ. მირანჩუკი – ედერი (46. ან. მირანჩუკი), ფარფანი (80. სმოლოვი).

გალათასარაი – პორტუ 2:3 გოლები: 0:1 ფელიპე (17), 0:2 მარეგა (42-პენ), 1:2 ფეგული (45+1-პენ), 1:3 სერჟიო ოლივეირა (57), 2:3 დერდოკი (65). გალათასარაი (4-5-1): მუსლერა – მარიანო, მაიკონი, ოზან ქაბაკი, ნაგატომო – ფეგული (90. მუგდათ ჩელიქი), ფერნანდო, დონკი (46. ონიეკურუ), ნ'დიაიე, გარი როდრიგესი – დერდოკი. პორტუ (4-3-3): კასილიასი – მაქსი პერეირა, ფელიპე, ლეიტე ტელიესი – ერერა, დანილო პერეირა, სერჟიო ოლივეირა (82. ავაზიემი) – ადრიანი (73. ანდრე პერეირა), მარეგა, ერნანი (73. ჟორჟე). გამოუყენებელი პენალტი: ფეგული (67. გალათასარაი) „პორტუ“ – 16, „შალკე“ – 11, „გალათასარაი“ – 4, „ლოკომოტივი“ – 3 ქულა.

ლემსო ცინცაძე

ღვანულა



ღვთის მადლი გვარაუღეთ, ბატონო ჯემალი!

80 წლის იუბილეს ვულოცავთ საქართველოს ერთ-ერთ ყველაზე წარმატებულ და დამსახურებულ ფეიქარს, უკეთესობილეს პიროვნებას და სანიმუშო მოქალაქეს ბატონ ჯემალი ალიბეგაშვილს! მისი შრომისმოყვარეობა, სიცოცხლის ხალისი და შემოქმედებითი ნიჭი დღესაც სამაგალითოა მასზე ბევრად უმცროსებისთვის. ჯემალი ალიბეგაშვილი დაიბადა 1938 წლის 13 დეკემბერს თბილისში, თბილისის პოლიტექნიკური ინსტიტუტის მსუბუქი მრეწველობის ფაკულტეტის ფუძემდებლისა და დეკანის აკაკი ალიბეგაშვილის და უმშვენიერესი ქალბატონის, თბილისის სახელმწიფო უნივერსიტეტის მათემატიკის ფაკულტეტის კურსდამთავრებულის თამარ ბოჭორიშვილის ოჯახში. ჯემალი მხოლოდ სამი წლის იყო, როდესაც მამა გარდაცვალდა და ქალბატონ თამარს მართოს მოუხდა მისი და მისი უმცროსი დის ჯილდას აღზრდა. დედის სანათესაო დიდი წვლილი შეიტანა ობლების აღზრდაში. ჯემალს ადრეული ბავშვობიდან ჩაუწერეს ადამიანების, სამშობლოს, შრომის სიყვარული, ერთიანობის ძალაც და სილამაზეც. ჯემალ ალიბეგაშვილმა წარჩინებით დაამთავრა თბილისის მე-20 საშუალო სკოლა და ჩაირიცხა თბილისის პოლიტექნიკური ინსტიტუტის პოლიგრაფიის ფაკულტეტზე. იგი იყო სახელობითი სტიპენდიანტი. ინსტიტუტის დამთავრების შემდეგ მუშაობდა ინჟინერს გაზეთ „კომუნისტის“ რედაქციაში. წარმატებულად დაწესებული კარიერის მიუხედავად, გრძობს, რომ პოლიგრაფია არ არის მისი მოწოდება, ამასთანავე, სულ უფრო ინტერესდება მამის სპეციალობით. ის სწავლას ინჟინერის საფეიქრო ინსტიტუტში. ამ გადაწყვეტილების მიღებაში, მამის ხსოვნის პატივისცემასთან ერთად დიდ როლს თამაშობს საფეიქრო დარგში წარმატებულად მოღვაწე ბიძის ნაუმ ბოჭორიშვილის და სიძის პეტრე სულაძის რეკომენდაციებიც. საფეიქრო ინსტიტუტის დამთავრების შემდეგ ინჟინერ ბატონი ჯემალის ხანგრძლივი მოღვაწეობა საფეიქრო მრეწველობის დარგში, სადაც მან გაიარა რთული გზა ქვეოსტატიდან დარგის აღიარებულ ლიდერამდე. იყო ქვეოსტატი, საამქროს უფროსი, მთავარი მექანიკოსი, ტექნიკური განყოფილების უფროსი, მთავარი ინჟინერი, წარმოების ხელმძღვანელი, დირექტორი. მის პროფესიულ ცხოვრებაში აღსანიშნავია კომპლექსური ნართის დართვის ფაბრიკაში (1963-1968 წწ), შულავერის მატყლის სამრეცხაო ფაბრიკაში (1968-1971 წწ), კომპლექსური ნართის დართვის ფაბრიკაში (1971-1976 წწ) საქმიანობის და შალის საქსოვი ფაბრიკისა (1978-1992 წწ) და მაუდ-კამოლის კომბინატის (1993-1996 წწ) ხელმძღვანელობის პერიოდები. წარმატებულ პრაქტიკულ და საორგანიზაციო საქმიანობას ბატონი ჯემალი წარმატებით უხამებდა სამეცნიერო და შემოქმედებით მუშაობას. წლების მანძილზე იყო საფეიქრო მრეწველობის მეცნიერულ-ტექნიკური კვლევის ცენტრის მთავარი სპეციალისტი. არის 50-ზე მეტი რაციონალიზატორული წინადადების ავტორი, რომლებმაც დიდი ეკონომიკური ეფექტი მოუტანა. მის ცხოვრებაში განსაკუთრებულ როლს თამაშობს მეუღლე, პროფესიით ეკონომისტი ირა ძვიადაძე. ქალბატონ ირასთან ერთად ჯემალმა შექმნა ლამაზი, ეროვნული და ჰუმანური ღირებულებებით მცხოვრები ოჯახი. ქალიშვილი თამარ ალიბეგაშვილი ცნობილი ექიმი, მედიცინის დოქტორი, მისი მეუღლე დიმიტრი კორძაია ექიმი, მედიცინის მეცნიერებათა დოქტორი, პროფესორი. ვაჟი აკაკი ალიბეგაშვილი გაყვა ბაზუის და მამის კვალს და დაამთავრა მოსკოვის საფეიქრო ინსტიტუტი, შემდეგ კი ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი. იგი ცნობილი მთამსვლეელია. მისი მეუღლე გალინა ალიბეგაშვილი ექიმი-სტომატოლოგია. დღეს ბატონი ჯემალი დიდი ოჯახის უფროსია, ოთხი შვილიშვილისა და სამი შვილთაშვილის ბაბუაა. შვილიშვილებიდან სამი დაქორწინებულია: თორნიკე კორძაია ფინანსისტი, მისი მეუღლე ანა გიგუაშვილი - ექიმი. სალომე კორძაია და მისი მეუღლე თორნიკე ოთიაშვილიც ექიმები არიან. ირინა ალიბეგაშვილი პიარის აკადემიის სტუდენტია, ხოლო მისი მეუღლე ირაკლი ტაბატაძე - ინჟინერი. მეოთხე შვილიშვილი ბექა ალიბეგაშვილი ჯერ სტუდენტია. ის სპორტმენიცაა, ამიერკავკასიის სამგზის ჩემპიონი კონტაქტურ ორთაბრძოლაში. ახალი ენერჯია შთაბერეს ჯემალს შვილთაშვილებმა - დემეტრე და ალექსანდრე კორძაიებმა და დაათო ოთიაშვილმა. უნდა აღინიშნოს, რომ ბატონი ჯემალის გზა არ ყოფილა ყოველთვის ია-ვარდით მოფენილი. განსაცდელიც ბევრი შეხვედრია და წინააღმდეგობაც. ყველაფერი ვაჟკაცურად გადაუღალა და ახალი შენობებით დაუწყია აღმართი გზა ახალი გამარჯვებისკენ. მრავალს მიუღია მისი უშურველი დახმარება, პროფესიული ხელშეწყობა, ცხოვრებისეული დიდი გამოცდილების გაზიარება. ერთი ამბით დავასრულებთ: კომუნისტების მმართველობის უამს, ჯემალის ბიძამ ნაუმმა მშობლიურ სოფელ ჭოლებში ალაღინა წმ. გიორგის ეკლესია. ჯემალმა კი ზარები ჩამოასმხმევინა და სამრეკლოზე ჩამოვიდა. დღესაც, იმერეთის ამ ულამაზეს სოფელს ყოველ დილით აღვიძებს ამ ზარების წკრიალი ხმა. ამ ხმის მადლი გვარავდეთ ბატონო ჯემალ! დიდხანს სიცოცხლეს და წარმატებით მოღვაწეობას გისურვებთ. დიმიტრი კორძაია, ზურაბ სულაძე, ზაზა სულაძე, ნუგზარ არანისელი.

სანთელი

რუსთაველის თეატრი ღრმა მწუხარებას გამოთქვამს ქალბატონ ციცილო ივანიშვილის გარდაცვალების გამო. დიდი გულსტიკივლით უსამძიმრებს ბატონ ბიძინა ივანიშვილს და მის ოჯახს.



პატივისცემით როზარტ სტურუა და რუსთაველის თეატრის კოლექტივი.

სანთელი

გაზეთ „საქართველოს რესპუბლიკის“ რედაქცია თანაგრძობს მეგობარს, გამოჩენილ არმენოლოგს, პროფესორ ბონდო არველაძეს მეუღლის - ფილოლოგიის მეცნიერებათა დოქტორის, მრავალი საინტერესო ნაშრომის ავტორის, მათ შორის იოსებ გრიშაშვილის „ქალაქური (თბილისური) ლექსიკონის“ შემდგენლისა და გამომცემლის

რუსუდან კუსრაშვილის გარდაცვალების გამო.

სისხლიანი გარჩევა „ნისქვილში“

სისხლიანი გარჩევა რესტორან „ნისქვილში“ - საგანგებო სიტუაციების მართვის სამსახურის თანამშრომელს სასამართლომ წინასწარი პატიმრობა შეუფარდა. როგორც ირკვევა, საგანგებო სიტუაციების მართვის სამსახურის თანამშრომელმა, 36 წლის ემზარ ზურაბიშვილმა რესტორან „ნისქვილში“ ჭაბუკა გუშარაშვილს თავის არეში დოქი ჩაართყა. დაცვის მხარე გადაწყვეტილების გასაჩივრებას სააპელაციო სასამართლოში გეგმავს. ასევე გამოძიება ეძებს კიდევ ერთ, პირს, რომელმაც დაზიანებები ამ დადამიანს მიაყენა და ადგილიდან მიიშალა. ემზარ ზურაბიშვილს საგნის იარაღად გამოყენებით ჩადენილი ხულიგნობა ედება ბრალად, რაც 4-დან 7 წლამდე პატიმრობას ითვალისწინებს.

ყინულზე გასრიალებული 5 მილიონი

„ვლანგვის დირექტორის“ ინფორმაციით, ზუგდიდში ყინულის მოედნის რეაბილიტაციისთვის 5 მილიონ ლარზე მეტი დაიხარჯა, თუმცა ის ამ დრომდე არ ფუნქციონირებს.



ყინულის მოედანი 2012 წელს აშენდა, ორჯერ დაზიანდა და კვლავ რეაბილიტაციის ეტაპზეა. ამისთვის კი წელს დამატებით 400 ათას ლარზე მეტია გამოყოფილი. „2015 წელს 154 000 ლარი დაიხარჯა რეაბილიტაციაზე. 2018 წელს ისევ არის ადგილობრივი ბიუჯეტიდან გამოყოფილი 408 ათასი ლარი ყინულის მოედნის რეაბილიტაციისთვის. ეს თანხა უფრო მეტია, ვიდრე 2018 წლის ზუგდიდის ბიუჯეტში გაწერილი თანხები სოციალურად დაუცველთა, შშმ პირთა, ვეტერანთა და დევნილთა დასახმარებლად“, - ამბობს „ვლანგვის დეტექტორის“ მკვლევარი დავით მუხვანაძე.

ირანის შვიდი მოქალაქე უკანონო სამუშაოზე დაიხარჯა

სახელმწიფო უსაფრთხოების სამსახურის ანტიკორუფციული სააგენტოსა და კონტრტერორისტული ცენტრის თანამშრომლებმა, ჩატარებული ოპერატიულ-სამძებრო და საგამოძიებო მოქმედებების შედეგად მოპოვებული მტკიცებულებების საფუძველზე, უკანონო სამუშაოზე საქმიანობის ბრალდებით, საქართველოში მცხოვრები ირანის ისლამური რესპუბლიკის შვიდი მოქალაქე ბრალდებულის სახით სისხლის სამართლის პასუხისგებაში მისცეს.

უწყების ინფორმაციით, გამოძიებამ დაადგინა, რომ აღნიშნული პირები ე.წ. „შავალას“ მეთოდის გამოყენებით უკანონო სამუშაოზე საქმიანობას ახორციელებდნენ და დიდი ოდენობით შემოსავალს იღებდნენ.

„კერძოდ, ისინი საქართველოდან ირანის ისლამური რესპუბლიკის საბანკო სისტემაში ფულადი გზავნილების განხორციელებას აღნიშნული საქმიანობისთვის საჭირო ნებართვისა და ლიცენზიის გარეშე, ქართული საბანკო სისტემის გვერდის ავლით ახდენდნენ. ბრალდებულები ფულადი თანხების კონვერტაციისა და გადარიცხვების სახით განუვლი მომსახურების სანაცვლოდ დიდი ოდენობით შემოსავალს იღებდნენ. მხოლოდ ერთი წლის განმავლობაში მათ მიერ უკანონო სამუშაოზე საქმიანობის შედეგად მიღებულმა შემოსავალმა საერთო ჯამში - 2 097 000 ლარი შეადგინა.



რეკლამა „საქართველოს რესპუბლიკაში“ კოსტავას ქ. №21. 599 79-76-79; 568 82-09-84

მიმოივლო

ეთერ ფაცურიას

ძვირფას კოლეგას, პატივცემულ ქალბატონს — გაზეთ „საქართველოს ღირსი“ მთავარ რედაქტორს, საქართველოს მწერალთა და ჟურნალისტთა შემოქმედებითი კავშირების წევრს, მარიკა ბარათაშვილის და იაკობ გოგებაშვილის პრემიების ლაურეატს, „ღვწილმოსილი და ამაყდარი მოღვაწის“ წოდების ღირსეულ მფლობელს, პოეტს, პროზაიკოსს, პუბლიცისტს, უკეთილშობილეს ადამიანს გულწრფელი პატივისცემით გულოცავთ დაბადების 75 წლისთავს.



გუსურვებთ ჯანმრთელობას, მხნეობას კვლავაც შემოქმედებით წარმატებებს და ბედნიერებას თავის კარგ შვილთან და შვილიშვილებთან ერთად.

მეგობრები გაჯემთ „საქართველოს რესპუბლიკის“ რედაქციიდან

ასფალტზე დაღვრილი ტონობით შოკოლადი

სახალწლოდ ბევრი შოკოლადის მოხმარება უჩვეულო საქმე არ არის, მაგრამ გერმანიის ერთ-ერთ პატარა ქალაქში ძალიან ტკბილი ინციდენტი მოხდა.

ქალაქში, რომელიც დორტმუნდიდან 25 მილის მოშორებით მდებარეობს, ერთ-ერთ შოკოლადის ქარხანაში შოკოლადის შემწვარ ნახავი ავზი მწყობრიდან გამოვიდა. აღნიშნულის გამო შემთხვევის ადგილზე სახანძრო ბრიგადები გამოიძახეს, რომლებსაც ტკბილი სახანძრო დახვდათ. ასფალტზე ტონობით შოკოლადი იყო დაღვრილი.



აღსანიშნავია, რომ შოკოლადმა ქარხნის ტერიტორიიდანაც გამოიწვია და მიმდებარედ, სამანქანო გზაზეც დაიღვარა. სამანქანო გზა ტკბილი ინციდენტის გამო ორი საათის განმავლობაში გადაკეტილი იყო. ქარხნის დირექტორის განცხადებით, ინციდენტი აღმოფხვრილია და ქარხანა მუშაობას განაგრძობს. ინციდენტი ორშაბათს მოხდა.

2018 წლის ყველაზე მაღალანაზღაურებადი მწერლების რეიტინგი გამოაქვეყნა. რეიტინგის სათავეში ჯეიმს პატერსონი აღმოჩნდა, რომელმაც თავისი შემოქმედებით, წელს 86 მლნ დოლარის გამოიმუშავება მოახერხა.

ამერიკელი ჯეიმს პატერსონი, რომელიც ფსიქოლოგ ალექს კროსზე დაწერილი რომანების ავტორია, მესამე წელია, ჟურნალ Forbes-ის ყველაზე მაღალანაზღაურებადი მწერლების რეიტინგის სათავეებში გასულ წლებშიც მოხვდა. მეორე ადგილი ჰარი პოტერის ავტორმა ჯონ როულინგმა დაიკავა 54 მლნ დოლარით, მესამე ადგილზე კი სტივენ კინგი მოხვდა, რომელმაც 27 მლნ დოლარი გამოიმუშავა.

Forbes-ის რეიტინგში ასევე მოხვდნენ მაიკლ ვულფი, დენ ბრაუნი, ჯეფ კინი, დანიელა სტილი, ნორა რობერტსი, რიკ რიორდანი.



ოფრი ჰეპბერნის შესახებ სერიულს გადაიღებენ

ცნობილი ბრიტანელი მსახიობის ოფრი ჰეპბერნის შესახებ სერიულს გადაიღებენ. ინფორმაციას the Variety ავრცელებს.

სერიალის სიუჟეტი 2015 წელს გამოცემულ წიგნს „Audrey at Home“-ს დაეფუძნება. სერიალს, რომელშიც ნაჩვენებია იქნება ოფრი ჰეპბერნის ცხოვრებისა და კარიერის თითქმის ყველა მნიშვნელოვანი ეპიზოდი, სატელევიზიო შოუს „ახალგაზრდა პაპის“ შემქმნელები გადაიღებენ.



ოსკაროსანი მსახიობი მე-20 საუკუნის ერთ-ერთ ყველაზე ლამაზ ქალად იყო აღიარებული. მისი შემოქმედების მთავარ კინოროლად „რომაული არდადეგებიდან“ პრინცესა ანას როლი ითვლება.

პარიზში DIOR-ის მაღაზია სახალწლოდ მორთეს



საქართველოს რესპუბლიკა SAKARTVELOS RESPUBLIKA კოსტავას ქ. №21

მთავარი რედაქტორი სპარტაკ ძოგულია 299-02-10 599 36-00-35

პასუხისმგებელი რედაქტორები: გურამ გომიაშვილი 599 53-76-16; ალექო

ასლანიშვილი 599 56-81-86; პასუხისმგებელი მდივანი მამუკა ვაშაკიძე 514 33-33-24

გამომცემლობა: შპს „თანადგომა“-ს გაზეთ „საქართველოს რესპუბლიკის“ გამომცემელი“ ტ: 599 79-76-79 შპს „ახალი საუკუნე“ — გაზეთ „საქართველოს რესპუბლიკის“ გამომცემელი“ იბეჭდება გამომცემლობა „ქოლორ პრესში“ რკინიგზის ჩიხი №20

uac(უაკ)070.4(479.22) ს-323



ავტორთა საზურაღლეოდ! რედაქციის მიერ შუამავთავი მასალაში დაიბეჭდება ავტორთა ხარჯით. ავტორთა მოსაზრებები, შესაქობა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

„საქართველოს რესპუბლიკა“ შენი გაზეთია, აუხილებლად გამოიწერე, წაიკითხე, ისიამოვნე!

გაზეთის გამოსანერგად მიმართეთ: „ელვა სერვისი“ 238-26-73; 577 99 16 51 238-26-14; 577 30 88 47 „მასნა“ 214-74-22; 599 982 777 „კლანება-ფორტა“ 292 18 59; 579 79 99 08 „გაზეთის გამომწერა შეგიძლიათ რედაქციაში: 2-99-02-10; 599 797 679. „ჯეომედია“ 266-51-13; 593 209 526 გაზეთი შეგიძლიათ მოგაწოდოთ ელექტრონულადაც, ელ.ფოსტის საშუალებით.

საქართველოს რესპუბლიკის უსსოპრი ვალუტის კურსი: აშშ დოლარი - 2.6609; ევრო - 3.0286; ბრიტანული გირანა სტერლინგი - 3.3562 100 რუბლი - 4.0063; თურქული ლირა - 0.4969; აზერბაიჯანული მანათი - 1.5694; 1000 სომხური დრამი - 5.4830. თუ მისწერებთ კარგი ბავშვს...

აქილი 13 დეკემბრისთვის აღმოსავლეთი საქართველო: ბარბი - ლაშქ +1, ლაშქ +10 მთიანი რაიონები - ლაშქ +1, ლაშქ +5 დასავლეთი საქართველო: ბარბი - ლაშქ +4, ლაშქ +10 მთიანი რაიონები - ლაშქ +1, ლაშქ +4 თბილისი: ლაშქ +1, ლაშქ +8

დაავიკავით, მოგვწერით: ტელ: 299-02-10, 599-79-76-79 ელ. ფოსტა: sakresp@mail.ru და sakresp@top.ge